



服部文庫
117
380
3



117
380
3

禪林類聚三之目錄



○第十一 住山 附堂附 庵居 戒律 出家附 參學

禮拜 省訪

○第十二 遊山 附送附 馳書 緣化 應化 神異

因果 沐浴 偃息

○第十三 問疾 醫卜 藥餌 遷化 追忌

○第十四 歲時 解結 日月 風雲 雨雪 水火

○第十五 衣鉢 服飾 把蜀附 鞋襪 珍寶 琴瑟

○第十三 簾帳 舟楫 樂器 雜山 書卷

因果 杖履 對息

○第十二 遊山 遊水 遊寺 遊人 遊物 遊心 遊意



禪林類聚卷第三

住山 開堂附 庵居 出家附 戒律 出家附

禮拜 參學 省訪

住山 開堂附

青原思禪師令石頭馳書往南嶽讓和尚處乃云回來與汝鈿斧子住山去石頭到彼未通書便問不慕諸聖不重乞靈藉如何嶽云子問太高生何不向下問頭云寧可求劫受沈淪不求諸聖解脫便回師問返何速乎書達不頭云書亦不達信亦不通去時蒙許鈿斧子住山即今便請師垂一足頭便禮拜歸南嶽住山
玄沙云大小石頭被大慧靠倒至今起不得
雲巖云云思和尚垂足石頭禮拜要且不得他斧子且道後來

用箇甚麼。黃龍南云石頭雖善馳達不辱宗風其奈
遲後大過不知落節既是落節回來因甚得斧子。雪
實顯一石頭泊擔板過却又云大小大惠不能據令
保寧勇頌云從家祖上作君主子子孫孫代代昌文武
百僚俱不識只應金殿有尊堂。佛印元云諸聖不求
已靈不重一問太高天驚地動拂袖而回音書背開依
茲盤石上更不過山來。佛國白云鉤斧持來便住此
斫開南嶽好峯巒兒孫失利將何用又被胡盧突魯般
枯木成云千里迢迢信不通歸來何事太忽忽白雲鎖
斷巖前石掛角羚羊不見蹤。

白丈海禪師僧問如何是奇特事師云獨坐大雄峯僧禮
拜即使打。

應庵華云大小白丈答話不啻。雪竇顯頌云祖域交馳天馬駒化門舒卷不回途電光
石火存機變堪笑人來捋虎鬚。白雲端云太機太用
豈虛然獨坐雄峯是有權稍若錯傳王令者腦門須喫
棒。投子青云巍巍峭迥出雲霄頂巔冰寒勢外
迥坐觀四望煙籠處一帶青山萬水朝。保寧勇云大
雄峯頂獨巍巍直下橫分八字眉賴得縮頭知進退未
嘗容易敢相虧。海印信云雄峯獨坐鎮巍巍四海謂
誰滿路歧任是通身鋒刃者到來無不豎降旗云村外
投子同禪師僧問和尚住此山有何境界師云了角女子
白頭絲。白雲端頌云了角女子白頭絲猛酸堆中雪片飛一等。

在山誰可擬，開雲流水不同歸。正覺逸云：山家世界別塵世，罕曾聞。只可自怡悅，不堪持贈君。持贈君，還也。奇。角女子白頭絲。

雲居僧問僧家畢竟如何，師云：居山好。僧禮拜，師云：你作麼生會？云：僧家畢竟於善惡生死逆順境界，其心如由之不動。師打云：辜負先聖喪我兒孫。又問傍僧云：你作麼生禮拜？云：僧家畢竟眼不覩玄黃之色，耳不聽絲竹之聲。師云：辜負先聖喪我兒孫。

黃龍南云：你麼生道得？一向不辜負先聖喪我兒孫。若人道得到此，青山非道場，若道不得，有寒暑兮促君壽。有鬼神兮妨君福。投子青頌云：突兀嵯峨萬仞橫，四邊無路不通行。自古

兩輪光不到，夜深王老入西岑。

庵居南泉願禪師住庵時，一僧到師，乃云：某甲上山作務，請齋時作飯，自喫了却送十分來。其僧齋辦自喫了却，將家事一時打破，仍就牀卧。師伺久不來，遂歸。見僧卧，師亦去。一邊卧，僧便起去。師住後云：我住前任庵時，有箇劍利道者來，直至如今不見。

五祖戒云：也是貧兒思舊債，翠巖芝云：兩箇漢前不至村後不至店。南堂靜頌云：吹毛劍利逆水波，清丈夫志氣不願入情。君征塞北我伐西秦，千古萬古共樂昇平。趙州論禪師因到一庵主處，問有麼？有麼？主豎起拳頭，師

云水淺不是泊船處便行又到一庵主處云有廢有廢主
亦豈起拳頭師云能縱能奪能殺能活便作禮

姜山愛云趙州只見錐頭利雲居舜云趙州當時甚

生意氣雖然如是鼻孔在二庵主手裏上方益

云避得風雷重遭霹靂月庵果云泣露千般草吟風

一樣松為甚庵主不肯一若向這裏見得釋迦不先

彌勒不後坐斷要津天長地久苟或未然月庵老人為

諸人下箇註脚良久云若不如是爭知如是

文殊道頌云死馬單鏘戰祖關死生只在刹那間趙州

最是難容漢庵主當頭喫兩拳佛迹是云問答元來

總一般當頭一著莫瞞頂將軍自有佳聲在不得封侯

也是閑不佛性泰云無星秤子兩頭平提起應須見得

明若向箇中垂分兩知渠錯認定盤星湛堂准云趙

州老漢少喜多嗔不會為客勞煩主人佛心才云虎

步龍驤徧九垓會從平地起風雷等閑映出庵中主便

見千江水逆流龍山禪師住庵洞山价禪師與密師伯行脚見溪流菓葉

龍山禪師住庵洞山价禪師與密師伯行脚見溪流菓葉

洞云此中必有修行人遂往尋見庵主師問此山無路關

梨向甚麼處來洞云無路且置和尚從何而入師云我不

曾雲水來洞云和尚住此庵多少時耶師云春秋不涉云

和尚先住此山先住師云不知云為甚麼不知師云我不

為人夫來洞又問如何是實中主師云長年不出戶云如

何是主中賓師云青山覆白雲云賓主相去幾何師云雲

江水上波云賓主相見有何言說師云清風拂白月洞又

問庵主見箇甚麼道理便住此山師云我見兩箇泥牛聞
入海直至如今無消息復有頌云三間茅屋從來住一道
神光萬境閑莫把是非來辯我浮生空繫不相干遂放火
燒却直入後庵

保寧勇頌云泥牛入海無消息天上人間何處覓謂言
春去秋復來步步乘騎得渠力南堂靜云發草瞻嵐
海上遊海山深處葉隨流相將行到水窮處果見厖眉
老比丘這比丘冷嗽嗽清風為線明月為釣丁合乾曲
作釣舟孤峯絕頂垂綸坐不風流處也風流

俱胝禪師初住庵時有尼頂笠攜錫至遶禪牀三匝云道
得即住師無語自嘆云我雖是丈夫却無丈夫之作欲棄
庵徧參是夜土地報云庵主不須坐處自有知識來為說

法次日果天龍和尚至庵師舉前話問之龍豎一指師忽
然大悟不復他遊後凡有所問唯豎一指頭臨終謂眾云
我得天龍一指頭禪一生受用不盡乃豎一指而遊
長慶代眾云美食不中飽人喫玄沙云我當時若見
迦拈指頭玄覺云且道玄沙恁麼道首伊不肯伊若肯何言迦拈
居錫云只如玄沙恁麼道首伊不肯伊若肯何言迦拈
指頭若不肯俱胝過在甚麼處曹山云俱胝承當
箇莽只認得一機一境一種是拍手撫掌是他西園奇
恠玄覺又云且道俱胝還悟也未若悟為甚麼道承
當箇箇莽若下悟又道用一指頭禪不盡且道曹山意
旨在那裏處

汾陽昭頌云天龍一指悟俱胝當下無私物匪齊萬在

千差寧別說直教今古勿針錐
雪竇顯云對揚深愛
老俱朕宇宙空來更有誰曾向滄溟下浮木夜濤相共
接盲龜佛國白云問答機關豈易酬無錢難作好風
流心中有事說不得只得忙中豎指頭
慧照預云簾
簾蓬戶在門頭誰謂村居院落幽雨散雲收山嶽露珊瑚
枝上掛金鈎
徑山杲云俱朕一指頭喫飽方休
腰纏十萬貫騎鶴上揚州

雪峯存禪師住庵時有兩僧來禮拜師見來以手托庵門
放身出云是甚麼僧亦云是甚麼師乃低頭歸庵僧後到
巖頭頭問甚麼處來云嶺南來頭云曾到雪峯麼云曾到
頭云有何言句僧舉前話頭云他道甚麼云他無語低頭
歸庵頭云意我當初悔不向他道末後句若向他道天下

人不奈雪老何僧至夏末再舉前話請益頭云何不早問
云未敢容易頭云雪峯雖與我同條生不與我同條死要
識末後句只這是聯
大瀉詰云大小雪峯巖頭却被這僧勘破
湛堂桂云
大衆雪峯是會末後句不會末後句若道會巖頭又道
當初悔不向他道末後句若道不會因甚而今兒孫遍
天遍地雖與我同條生不與我同條死末後句巖頭爲
磬頭說破也未免有些諸說又參先德一舉便知後學
初機真道不疑好外
雪竇顯云末後句爲君說明暗雙雙底時節同條生也
共相知不同條死還殊絕還殊絕黃頭碧眼須甄別南
北東西歸去來夜深同着千巖雪
白雲端云雪峯如

入庵中後路上無人見得伊賴有故人千里在同條生
死不同時 照覺總云雪老別龍山卓庵閣中坐一日
見僧來探頭道甚麼未後向少人和却得巖頭重註破
同條生同條死未後向真錯舉 天童覺云切瑳琢
變態諸訛葛坡化龍之杖陶家看藝之梭同條生古有
數同條死古無多未後向只這是風舟載月浮秋水
虎溪庵主因有僧問庵主在這裏得多少年也師云祇見
冬凋夏長總不記得云大好不記得師云汝道得多少年
也云冬凋夏長響師云開市裏虎
琅琊覺頌云開市中心虎能歌不能舞命值木星君不
遇羅睺土 卓堂清云虎溪老住庵年深都不記開市
中心虎四方如鼎沸

洛浦安禪師遊壑罷往夾山頂卓庵經年夾山知乃修書
令僧馳到師接得便坐却再展手索僧無對師便打云歸
去去似和尚僧回舉似夾山山云這僧看書三日內必來
若不看書斯人救不得果三日後至纔見夾山不禮拜乃
當面叉手而立夾山云雞棲鳳巢非其同類出去師乃問
云自遠趨風請師一梳山云目前無閣梨此間無老僧師
便唱山云住住且莫草草忽忽雲月是同溪山各異截斷
天下人舌頭即不無閣梨爭教無舌人解語師作思夾山
便打師因茲伏膺
興化云但知作佛愁甚麼眾生 雪竇顯云道僧可悲
可痛鈍置他臨濟他既雲月是同我亦溪山各異說甚
麼無舌人不解語坐具劈口撼夾山是箇知方漢必然

明窓下安排 五祖戒出洛浦語云更說道理看便出
去 大陽延代云也要和尚證明
投子青頌云無伴石人夜入山雪籠紅頂綠衣寒喝開
劫肇三峯頂捧出金襴對日看 枯木成云喝下承當
草已深却來蘭浦訪知音溪山雲月何嘗異今古誰人
鑑此心 天童覺云搖頭擺尾赤梢鱗徹底無心解轉
身截流舌頭饒有術拽回鼻孔妙通神夜明簾外芳風
月如畫枯木巖前芳花卉是春無舌人無舌人正令全
提一句親獨步寒中明了了任從天下樂欣欣
昔有二庵主住庵旬日不相見忽相會上庵主問下庵主
云多時不相見向甚麼處去來下云在庵中造箇無縫塔
上云其用也要造一箇就兒借取塔樣子下云何不昂然

恰被人借去了也
法眼云且道是借他樣不借他樣
月庵果頌云無縫塔子樣兩手擡不起被人借將去至
季尋未已尋未已天上人間知幾幾
昔有一婆子供養一庵主經二十年常令一二十八女子送
飯給侍一日令女子抱定云正恁麼時如何庵主云枯木
倚寒巖三冬無暖氣女子歸舉似婆婆云我二十年只供
養得箇俗漢遂遣出燒却庵
佛燈珣云大凡扶宗立教須是其人你看他婆子雖是
箇女人宛有丈夫作略二十年從油費醫固是可知一
日向百尺竿頭做箇失落直得用盡平生腕頭氣力自
非箇俗漢知機泊乎巧盡拙出雖然如是諸人要會麼

雪後始知松柏操事難方見丈夫心

或庵體頌云不見人班見虎班其願見人班虎班見後通回避唯有人班近最難

三角遇庵主因荒亂魁師入山執刃而問和尚有甚財寶師云僧家之寶非君所宜魁云是何寶師振聲一喝魁不悟以刃加之

洞山聰頌云師將真寶濟凡人豈謂行思返事身真實與伊元不識而今更是好訛貧正覺逸云深山深處隨時焚無價之珍不隱藏纔遇凡人便分付凡人少盡返加傷

懶瓚禪師遁居衡嶽之頂石室中每歌云世事悠悠不如山立卧藤蘿下塊石枕頭不朝天子豈羨諸侯生死母慮

吾復何憂唐德宗聞其名遣使者到其窟宣言天子有詔詔尊者且起謝恩師方撥篝火尋煨芋食之寒涕垂未嘗使者笑之且勸拭涕師云我豈有閑工夫為俗人拭涕耶使者竟不能致之帝聞倍加欽羨

覺範洪頌云篝火但知黃獨美銀鈎那識紫泥新尚無餘力收寒涕那有工夫對俗人

戒律 出家附

中邑恩禪師因仰山至謝戒師乃於禪牀上拍手云嗚啞嗚啞仰從西過東從東過西復向中心立然後謝戒師云甚麼處得此三昧仰云於曹溪脫印子學來師云汝道曹溪用此三昧接甚麼人仰云接一宿覺仰復問和尚甚麼處得此三昧師云於馬大師處學得此三昧一本作章敬處學來小異

琅琊覺云愁人莫向愁人說 豈農芝云看兩箇老和尚
尚可殺漏逗對面相謾 馮山果云若據二老見處達
磨一宗掃王而盡 松源岳云二老漢正是癡人說夢
雖然笑他者多晒他者少
汾陽昭頌云鼓唇拍手口鳴哪直引來人辨正邪千萬
往來都不薦仰山纔見便同家 慈受深云仰山善問
中色善應覆去翻來拍拍是令 正覺逸云曹溪脫印
傳來錯章敬師承受處鹿將謂胡鬚天下赤元來更有
赤鬚胡

○禮拜

南泉願禪師示衆云江西馬祖說即心即佛又云非心非
佛王老師不恁麼不是心不是佛不是物恁麼道還有過

麼時趙州出禮拜了去續有僧問州云上座禮拜了去
作麼生州云汝却問取和尚僧遂問師適來論上座禮拜
了去意作麼生師云他却領得老僧意旨

徑山杲云兩箇老漢雖善辯裏動指頭殊不知傍觀者
醜又頌云倒腹傾腸說向君不知何故尚沈吟而今便
好猛提取付與當場無事人 佛眼遠云祖佛場中不
展戈後人剛地起請訛道泰不傳天子令時清休唱太
平歌

趙州諗禪師一日在佛殿上見文遠禮拜佛師以拄杖打
一下遠云禮佛也是好事師云好事不如無
鼓山珪頌云平生侍奉老師全無些子氣息佛法妙性
天機一字教他不得 徑山杲云文遠修行不落空時

時瞻禮紫金容趙州，拄杖雖然短腦後，圓光又一重。
道吾智禪師僧問：如何？是和尚深深處，師下權床作女人
拜云：謝子遠來，無可祇待。

投子青頌云：驪龍海卧，瑞雲高，四望歸宗，萬派朝木人。
來問西宮事，回慧東園一顆桃。疎山如云：草戶柴門。
謝子來躬身下拜，笑眉開，深深密密親分付，莫道寶山
空手回。枯木成云：回途已落，今時路不露鋒銚，豈得
圓撥動少林關，換子誰知別是一壺天。

雲峯存禪師送南際長老出乃作女人拜，際斂手應諾諾，
師以手斫額便歸。

投子青頌云：送客隨家，豐儉施盡，情為饑免，生疑却蒙。
慧重過相贈斂手，遙別向暮歸。

韶山普禪師因僧來禮拜了，叉手而立，師云：木林藏拙戶，
僧又過一邊，師云：喪却棟梁材。

丹霞淳頌云：叉手須知已隔津，更重進步轉漂淪，頑銅
若作黃金貨，祇可護他無眼人。

參學

善財童子禮釋文殊，文殊指往南方勝樂國妙高山，參德
雲比丘，及到彼山，東西南北四維上下求覓，經千七日，乃
見德雲比丘，却在別峯頂上徐步經行。
南嶽讓禪師初往曹溪參六祖，祖問：甚處來？師云：嵩山來。
祖云：甚麼物，恁麼來？師云：說似一物，即不中。祖云：還假修
證不？師云：修證即不無，染污即不可。祖云：只此不染污，諸
佛之所護念，汝既如是，吾亦如是。善自護持，西天二十七

祖般若多羅識汝去後出一馬駒踏殺天下人去在

汾陽昭頌云因師顧問自何來報道嵩山意不回修證

不無不染污撥雲見日便心開佛印元云王在池中

蓮出永汚染不能絕方比大家如是若承當洞庭一夜

秋風起保寧勇云戴角披毛恁麼來鐵圍山嶽盡衝

開閻浮踏殺人無數驀鼻深穿拽不回佛國白云嵩

頂來來恁麼來不中一物早塵埃便歸南嶽磨鏡照

得追風馬子回

青原思禪師初參六祖問云當何所務即不落階級祖云

汝曾作甚麼來師云聖諦亦不為祖云落何階級師云聖

諦尚不為落何階級祖云如是如是汝善護持

松源岳云是即是總未有出身之路靈隱門下莫有獨

脫底麼敲出鳳凰五色髓撲碎驪龍頤下珠

投子青頌云無見頂露雲攢急劫外靈枝不帶春那邊

不坐空王殿爭肯耘田向日輪卅霞淳云卓爾難將

正眼窺迥超今古類何齊若封古殿無人佳月鎖蒼梧

鳳不棲佛國白云無階無級見無求奪得曹溪第一

籌却向廬陵言米價百行千市競相酬佛印元云聖

諦從來尚不為更無階級可修持至今廬大猶春米和

穀和糠付與誰

藥山儼禪師初參石頭問三乘十二分教某甲粗知堂闈
南方直指人心見性成佛實未明了伏望和尚慈悲指示
頭云與麼也不得不與麼也不得與麼不與麼總不得汝
作麼生師付思頭云子因緣不在此江西有馬大師子往

彼去應為汝說師遂至彼隼前請問馬師云我有時教伊揚眉瞬目有時不教伊揚眉瞬目者不是師於是省便作禮馬師云子見箇甚麼道理師云某甲在石頭時如蚊子上鐵牛相似馬師云汝既如是宜善護持

法雲秀云石頭好箇無孔鐵鎚大似分付不著藥山雖惹過江西悟去爭奈平地上喫交有甚麼扶策處具眼者試辨看

松源岳頌云坐斷千峯路穿開碧落天那空問端的端的彌樓前

汾州無業國師凡有請問但云莫妄想西禪密頌云王令威嚴誰敢擬纖毫纔動鐵輪隨時人

只見錐頭利幾人能見利頭錐

趙州論禪師因僧告辨師問甚處去僧云諸方學佛法去師豎拂云有佛處不得住無佛處急走過三千里外逢人不得錯舉云與麼則不去也師云摘楊花摘楊花

天衣懷云趙州非但走得這僧脚底皮穿亦乃瘥却這僧口口若不瘥為甚麼逢人便舉五祖演於不得住

處云換却你心肝五臟急走過處云鴈過留聲錯舉處云出門便錯不去也處云種粟却生荳末後云不覺日

又夜半教人少年天童覺云沈空滯迹犯手傷風俱未是袖僧去就直須莫入人行市莫坐他床榻正不立云偏不附物方能把住放行有自由分

保寧勇頌云堂堂好箇丈夫兒剛被胡麻取次欺若解

奮拳張意氣世間何處可容伊
天童覺云青山不異
白玉無瑕茫茫流水擾擾黃花有佛
麈尾不立無佛
處萬別千差長安路上未歸客
尋溪猶自摘楊花
佛
慧泉云截斷三關過者稀
臨鋒誰解振全威
楊花摘處
何人見風送漫天似雪飛
曹融平云三千里外兩重
關衲子紛紛過者難回首
石橋南北路楊花風散雪漫
漫

龍潭信禪師在天皇三年忽一日問云某甲自到來不蒙
和尚指示心要皇云自汝到來吾未嘗不指示汝心要師
云甚處是指示某甲心要皇云汝擎茶來吾為汝接汝
行食來吾為汝受汝和南時吾便低首何處不指示汝心
要師思皇云見即直下便見擬思即差師堂上開悟乃

問云如何保任皇云任性逍遙隨緣放曠但盡九心別無

聖解

白雲端頌云脫白求師貴苦辛
擎茶問訊盡躬親無端
再叙三年事笑殺皆頭賣餅人

翠微覺禪師因龍牙問自到和尚法席每沐上堂不蒙一
法示誨意在於何師云嫌箇甚麼牙後至洞山亦如是問
山云爭恠得老僧後有問法眼眼云祖師來也
東禪齊云此三人尊宿語還有親疎也無若有阿那箇
親若無親疎眼在甚麼處
雪竇顯云兩箇老漢被這
僧穿却唯有法眼與他同參若是雪竇門不喫棒了越
出

禪樹省禪師問洞山甚麼處來山云親近來師云若是親

近用動這兩片皮作甚廢後曹山聞舉乃云一子親得
丹霞淳頌云從來父子不相離石女何勞更問伊昨夜
寒巖無影木白雲深處露橫枝

巖頭齋禪師初參德山問是凡是聖山便喝師便禮拜洞
山聞得乃云若不是齋公也大難承當師云洞山老漢不
識好惡錯下名言我當時一手擡一手搥

雪竇顯云然則德山門下草履風行要且不能塞斷天
下人口當時纔禮拜便捧非唯勦絕洞山亦乃把
斷齋老還會麼李將軍有嘉聲在不得封侯也是開
教忠光云還知三太老落處麼德山和身放倒洞山帶
水拖泥若非巖頭具通方眼爭顯功高汗馬且作麼生
是一手擡一手搥必殺人刀活人劍 琅琊覺云巖頭

無人問著不妨奇特纔被洞山腦後一錘直得瓦解冰
消

保寧勇頌云平川走兔放蒼鷹一搥便啗雙眼睛毒手
奪來人買去奈何斤兩未分明 法雲秀云巖頭老漢

九聖孰辨半僧半俗可貴可賤三文取箇黑老婆江邊
相喚撻蝦蜆 踈山如云一喝驚天動地雷海翻大華
洞然開巖頭膽喪魂飛也謾道當時手擡搥

雪峯存禪師首謁鹽官自後三登投子九上洞山因緣不
契後參德山問從上宗乘學人還有分也無山打一棒云
道甚麼師不會至明日請益山云我宗無語句實無一法
與人師因此有省小異本

巖頭聞云德山一條脊梁骨硬似鐵雖然如是於唱教

門中猶較些子。保福問招慶只如巖頭出世有何言
句過於德山便恁麼道慶云汝不見巖頭道如人學射
久久方中福云中後如何慶云展閣梨莫不識痛痒好
福云和尚今日非唯舉話慶云展閣梨是甚麼心行
明招謙云大小招慶錯下名言。九僊清云如今若有
問光孝從上宗乘學人還有分也無光孝也不下禪床
也不拈拄杖也不劈春打只向他道窮鬼子不要杜少
你一分不得然雖如是癡人面前不得說夢
保寧勇頌云此疾懷來沒量時尋醫求卜過多師濃煎
一服通神散血汗霑流徹四肢。雲巖因云是法平等
無高下伊予有分必相亞雖無一法輕與人棒下龍蛇
從變化

鏡清慧禪師僧問學人未達其源乞師方便師云是甚麼
源云其源師云若是其源爭受方便尋後侍者問適來成
說伊不師云無者云不成說伊不師云無者云和尚尊意
如何師云一點水墨兩處成龍。其非亦自向來。雪竇
雪竇顯於爭受方便處云死水裏浸却有甚用處於未
後云猶較些子雪竇不是滅鏡清威光要與這僧相見
是甚麼源其源三十年後與汝三十棒。五祖戒云與
麼道也太險雖然語險爭奈用得這一點親要會麼莫
恁鏡清多意氣他家曾謁聖明君。圓悟勸云鏡清機
如掣電眼似流星一切世界悉皆成就要且只解弄曲
不解直截還委悉麼有意氣時添意氣不風流處也風
流。南堂靜云大小鏡清元來脚手小今夜忽有問適

來莫成禪伊麼無莫不成禪伊麼無未審尊意如何
一點水墨印地成金毛獅子

保寧勇頌云鏡水平湖碧湛然茫茫曾未達其源王維
妙手堪圖畫一點成龍兩處全正覺逸云成龍兩處

若為分碧眼黃頭笑未聞莫恠鏡清多意氣他家曾謁
聖明君雲溪恭云手把空行未是難難中難是問其

源其源未達奈何也且看成龍點下分
玄沙初謁雪峰後欲徧歷諸方參尋知識攜囊出嶺築菴

脚指頭流血痛楚忽然猛省云是身非有痛自何來遂即
回雪峰雪峰問云那箇是備頭隨師云終不敢詐於人雪

峰忽一日召云備頭隨何不徧參去師云達磨不來東土
二祖不徃西天峯然云未審其然也唯云與師云甚甚

本覺一頌云釣魚船上謝三郎耀倒須彌返故鄉應笑

途中未歸客伶仃旅泊向他鄉佛國白云暮然耀破

便知休百越青山更不遊從此七閩江上月至今空落

釣魚舟

雲居禪師僧問全無學處如何立身師云無立身處僧云

佛事何勞師云不同興化

投子青頌云蒼殿煙收紫氣旋拱斑宸帳退堯年鳳

不宿桃源客豈並金光曠漢夫

廣教志禪師僧問是甚麼物學人不曾師云生在冀州

投子青頌云禁帳重闌蒼蘚深金鈴不動侍無人誰

斑杖來相問報說東園麥隴青

雲門偈禪師到洞巖巖問作甚麼來師云親近來巖云亂

甚麼師云暫時不在巖云知過即得師云和尚亂走
作甚麼

鼓山晏國師示眾云諸和尚盡道向諸方參學夫審參箇
甚麼學箇甚麼還有參得者也無有即出來對眾驗看諸
和尚為復參禪參道參佛參法參毗盧師法身主參佛向
上事涅槃後向若實參此得無太妄喚作望上心不息與
諸和尚了無交涉

風元沼禪師僧問如何是學人親切處師云須彌南畔苑
打鼓賀蘭山上禁皮毬

投子青頌云親切曾伸問老翁東山歌唱北山吟弄潮
須是江吳客別語還他漢地人

首山念禪師僧問如何是學人用心處師云恁你下問遲

也

投子青頌云未語難明迷悟情發言方表赤心人祇貪
進步求名玉爭信靈苗不受春

五祖演禪師每遇僧來請益祇云無這閑工夫

不佛眼遠頌云彼此且無相負累行人無不失釣雖雖然
不聽眾生眼也好拳頭劈口槌

五祖云老僧遊方十餘年參數十人善知識將謂了當及
到浮山圓鑑會下更開口不得未後又到白雲因敲破一

箇鐵酸餡直是百味具足且道餡子一句作麼生道花發
雞冠媚早秋何人能染紫絲頭有時風動頻相倚似向著

前闌不沐

西禪需云五祖老和尚恁麼說話大似乞兒見小利

松源岳云五祖恁麼說話猶欠悟在
月庵果頌云白雲鐵酸餽袖僧難下口忽然敲得破大
作獅子吼

○省訪

雲巖晟禪師同道吾自南泉回藥山師問藥山云如何是
異類中行山云吾今日困倦且待別時來師云某甲特為
此事歸山來山云且去師便出道吾在方丈外聞師不
不覺齒落指頭血出吾却下來問師師克去問和尚那因
緣作麼生師云不為某甲說吾便低頭

丹霞淳頌云飢餐嫩草遙山去渴飲寒泉曲澗回放蕩
不耕空劫地暮天何用牧歌催

洛浦安禪師下日有故人來訪問云倏忽數年何處逃難

師云只在闌闌中如何不向無人處去師云無人處去有
何難云且如闌闌中如何逃避師云雖在闌闌中要且無
人識故人罔措復問西天二十八祖至此土人傳一人且
如彼此不垂曲者如何師云野老門前不話朝堂之事云
合談何事師云未逢別者終不開拳云有人不從朝堂來
相逢時還話不師云量外之機徒勞自擊故人無對
洛浦僧問學人擬歸鄉時如何師云家破人亡子歸何處
云恁麼則不歸去也師云庭前殘雪日輪消室內紅塵遣
誰掃

丹霞淳頌云太平鄉國路空賒歸興悠悠思莫涯撒手
到家何所有琉璃寶殿鎖蟾華
始溪道者相訪洛浦安禪師安問自從犁溪相別今得幾

年者云和尚猶記得昔時事安云現說道者總忘却年月也者云和尚住持事繁且容子細看安云打即打會禪漢者云某甲消得安云道者伴山事繁與汝出處甚難昨夜丹霞溥頌云這般消息不尋常蟾桂枝枝布遠香昨夜嫦娥呈巧妙眼睛直上綉鴛鴦護國澄禪師僧問如何是本來父母師云頭不白者云將何奉獻師云慇懃無米飯掌前不問親丹霞溥頌云出門遍東無知己入戶盈眸不見親虛室夜寒何所有碧天明月頗為隣

禪林類聚卷第十二

遊山 馳書 緣化 神異 因果 沐浴 偃息 百丈海禪師侍馬祖遊山歸忽然哭同事問云憶父母耶師云無云被入罵耶師云無云哭作甚麼師云問取和尚同事往問馬祖祖云你去問取他同事回至寮中見師呵呵大笑同事云適來為甚麼哭如余為甚麼笑師云適來哭如余笑同事罔然

佛眼遠頌云下回思想一傷神不覺翻然笑轉新雲在
 鼓山挂云世間名利

關榮承雲雨紛紛，手翻盡悲歡相繼，不甚論禘頭無取。
黃梁熟，徑山果云有時笑，有時哭，悲喜交并，猶
笑從此理如何，舉向人斷絃，須得續續。秋源岳云，不
不微笑，不徹倒腹傾腸，向君談父子，非親知，不
同腦後三斤鐵。
趙州因僧徒師問甚處去，云關中去，師云彼中兵馬隘直
須回避，始得云向甚處回避，師云恰好。
汾陽昭頌云，信去關中路，不遠報言，軍馬鬧嘈嘈，問
回避，居何處，恰好安眠，日正高。佛慧泉云，七閩歸路
且垂鋒，回避須教不見蹤，恰好藏身何處，是青山雲外
萬千重。正覺送云，聞說關中兵馬多，叮嚀游子第千
戈臨歧指，簡藏身處無限，唯師不奈何。

長沙安禪師游山歸，至門首首座問和尚甚處去，來師云
遊山來，坐云到甚處，師云始隨芳草去，又逐落花迴，座
云大似春意，師云也勝秋露，滴芙蓉。
云雪竇顯云謝師答話，白雲端云太眾且道長沙在春
夏秋冬中不在，春夏秋冬中要會麼，一氣不言，舍有象
萬靈何處，謝無秋。
雪竇頌云，大地絕纖埃，何人眼不開，始隨芳草去，又逐
落花迴，羸鶴翹寒木，狂猿嘯古臺，長沙無限意，啾
方益云拂拂山香滿路飛，野花零落草披離，春風無限
深深意，不得黃鶯說向誰。佛鑑勸云獨步魯無語，逢
人便開始隨芳草去，又逐落花迴，蘆花日輕煙
綠苔若將詩句會埋沒法王才。

茶黃禪師問僧閣梨為復遊山翫水為復問道參禪僧云
和尚試道者師云雕蚌鏤蛤不蟻之泥勞君遠至云演
是鐵猶被千棹師云降軍不斬
圓悟勤云言前收句後殺峻疾不通風直饒釘角鐵舌
也無咱咏處且道為甚麼如此非入得其便
古德頌云遊山翫水事尋常早晚歸來鑿欲霜踏破草
鞋回首看數聲猿叫白雲鄉

仰山寂禪師問僧近離甚處云廬山師云曾到五老峰
云不曾到師云閣梨不曾遊山
雲門云此語皆慈悲之故有落草之談
鴻山秀云今
人盡道慈悲之故有落草之談只知捉月不覺水深忽
若雲門當時謹慎唇吻未審後人若為評會然水母無

自來食須假於蝦黃龍心云雲門仰山只有受磔之
心且無割城之意殊不知被這僧一時領過黃龍今日
更作死馬醫乃拈拂子度與僧僧擬接師便打大瀉
詰云仰山可謂光前絕後雲門雖然提綱宗要錯鍵不
下衲僧爭奈無風浪起諸人還識這僧麼親從廬山來
雲霞繡頰云出草入草誰解尋詩白雲重重紅日果果
左顧無瑕石馬已老君不見寒山子行太早十年疏不
得忘却來時道
大隋因僧辭師問甚處去云峨嵋山禮普賢去師堅定拂
子云文殊普賢總在這裏僧畫一圓相拖於背後却展兩
手師云侍者將一貼茶與這僧
保福展云若無後語笑他衲僧雲門別云西天新頭

截臂這裏自領出去 五祖戒云大隋不因一事不長
一智 雪竇顯云殺人刀活人劍具眼底辨取 瀉山
秀云大隋茶非類趙州茶既非類趙州茶得之者少矣
大轉非之且有甚長處然不義之財於我如浮雲 天
童覺云識法者懼欺敵者亡水中撲乳須是搗玉
保寧勇頌云柳標杖頭光閃爍錫羅捲裏面皺餛飩橫
背負出門去好是無人敢駐留 古德云一輪明月照
瀟湘更不逢人問故鄉自是天涯慣為客任他猿叫斷
入腸
巖頭因僧辭師問甚麼起去云入嶺禮拜雪峯去師云雪
峰若問巖頭如何他道近日在鄂州湖畔住只將三
文買箇黑老婆每日撈蝦撈蛆且恁麼過時僧到雪峯舉

似前話峯云窮鬼子得處快活不徹簡務波子
上方益云既是窮鬼子為甚麼快活不徹不見道樂客
不如苦主人雖然如是而今且在滄溟上釣得鯢鯨未
可知
海印信頌云且於湖畔撈蝦蛆不向滄溟釣巨鱉一葉
扁舟一蓑笠閑眠閑坐任風濤 古德云三文發得一
妻賢撈蛆撈蝦在釣瓶雪老未知窮活計看來不直半
文錢
曹山本寂禪師辭洞山山云子向甚麼處去師云不變異
處去山云不變異處豈有去耶師云去亦不變異
丹霞淳頌云家家門掩蟾蜍月處處鶯啼楊柳風若謂
縱橫無變異猶如擲劍擬虛空

雲門偃禪師僧問如何是學人自己師云遊山翫水

佛慧泉頌云南嶽山前徑山後瀑布聲如雷震吼括却

笠子露頂行踏破草鞋赤脚走地藏恩云杖梨林下

步毒苔撼擾勞生眼未開好是落花隨流水一時流出

洞中來開福寧云遊山翫水事尋常早晚歸來贊欲

霜踏破草鞋回首看數聲猿叫白雲鄉無為子云學

人自己遊山翫水只知踏破草鞋忘却來時年幾

雲門僧問不起一念還有過也無師云須彌山

五祖演云有時問著師僧或豎一指或進一步或下一

喝或拂袖便去上座未在何故太平未嘗向二三月下

一陣雪向汝諸人在如有箇漢出來道若和尚莫七顛

个倒見天下也不是乃展手云了應庵華云雲門道

得不妨請當要且落在第一頭若是明果即不然忽有

久問不起一念還有過也無只對他道致將一問來

洞山聰頌云不生一念豈通宗真偽分於一句中蔡著

眼光兼杜口須彌當面作屏風保寧勇云萬仞峰前

立大傘須臾眈眼落懸崖通身不換毫毛者天上人間

安敢埋無盡居士云一念沈沈過有無且空拈出本

彌盧直饒玉兔金烏急宮殿巡遊落半途

羅山閑禪師在禾山送同行矩長老出門次師把拄杖向

前一搯矩無對師云石牛攔古路一馬勿雙駒後有僧妻

似疎山山云石牛攔古路一馬生三寅

鼓山珪頌云不踏門前路春誦又一年落花紅滿地芳

草碧連天徑山杲云出門握手話分携古路迢迢去

雜林三 二十

莫追却笑波心遺劍者區區空記刻舟時

保福展禪師與長慶遊山次師以手指雪峯舊院云教也

道妙高峯頂莫只這裏便是麼麼云是即是可惜許後舉

似鏡清清云若不是孫公便見髑髏遍野小異

僧問鼓山只如稜和尚恁麼道意作麼生山云孫公若

無此語可謂髑髏遍野白骨連山雪竇顯云今日共

這漢遊山圖箇其麼復云百千年後不道全無祇是少

汾陽昭頌云因上高巖到頂頭僧人致問已圓周是耶

便是可惜許只恐同音別處遊草堂清云八萬四千

赤一一七金山內海滔滔妙高峯頂平如掌誰把長竿

釣巨鼈雪竇云妙峯孤頂草離離拈得分明付與誰

不是孫公辨端的髑髏蓋地幾人知佛心木云攜手

相將孰共行目前唯觀妙高山雲泥不隔來時路付與

兒孫觸處看

慈明問僧行脚須知有行脚事作麼生是行脚事云知師

云知底事作麼生云山高水深師云念汝遠來且坐喫茶

僧云諾諾僧問行脚不逢人時如何師云釣絲絞水

石田董頌曰老箇慈明為指迷釣絲絞水出群機時以

貪看蘆花白不見沙鷗隔岸飛祐頌集声

○馳書

國一欽禪師因馬祖遣人送書至書中作一圓相師發滅

見遂於圓相中著一點却封回後忠國師聞得乃云欽師

猶被馬師惑

保福展云甚處是感處作麼生得不感去雪竇顯云

徑山被惑且置若將呈似國師別作箇甚麼伎倆免被
惑去有老宿云當時坐却便休亦有道但與劃破若與
麼只是不識着敢謂天下老節各具金剛眼睛廣作神
通變化還免得麼雪竇見處也要諸人共知只這馬師
當時畫出早自惑了也 五祖戒云兩彩一賽又云三
人指路擬何為 大鴻詰云諸人還識馬祖徑山麼一
點水墨兩處成龍國師道欽師猶被馬師惑可謂千里
同風不見道手執夜明符幾箇知天曉 徑山果云馬
師仲冬嚴寒欽師孟夏漸熱雖然寒熱不同彼此不失
時節忠國師為甚麼却道欽師猶被馬師惑還委悉麼
無風荷葉動決定有魚行
佛印元頌云馬祖當時見徑山同風微露密機關無端

却被南陽老平地坑人似等閑 照覺總云被惑之言
事有由神交千里芥針投誰言解使雲通信我不然考
石點頭地藏恩云自南自北自西自東溪山雖異雲
月還同何事南陽老倒令人擾擾忽忽
南泉願禪師有書與茱萸云理隨事變寬廓非外事得理
融寂寥非內僧乃問如何是寬廓非外萸云問一蒼白也
無妨云如何是寂寥非內萸云觀對聲色不是好手僧又
問長沙沙瞪目視之良久又進後語沙乃閉目示之僧又
問趙州州作喫飯勢又進後語州以手拭口後僧舉似師
師云此三人不謬為吾弟子
佛鑑勸云南泉雖則養子之緣其奈鱗兒不覺醜殊不
知三人一人有足無目一人有目無足一人足目俱無

雖然如是皆可與南泉為師為甚如此事理分明承
天簡云此三人一人得皮一人得肉一人秦不取魏不
管南堂靜云好南泉父子大衆若是南堂即不然如
何是理隨事變濯錦江頭濯錦時桃花似錦柳如眉如
何是事得理融太湖三萬六千頃月在波心說向誰如
何是寬廓非外逐拄拄杖倚左邊如何是寂寥非內却
拄拄杖倚右邊云不要動著動著便三十棒
古德頌云淡泊洋洋膝上琴自藏古意亦何深霜天有
月西風急落岸斷崖秋水音
玄沙備禪師令僧馳書上雪峯峯上堂開緘見三幅白紙
乃呈示大衆云會麼良久云不見道君子千里同風僧歸
舉似師師云山頭老漢踉蹌過也不知

東禪齊云甚麼處踉蹌過的踉蹌過師豈不會弟子意若
不恁麼會只如玄沙意作麼生若會便參取玄沙
五祖戒出語云將謂胡鬚赤黃龍南云雪峯不道無復
覩既被玄沙識破直至如今雪不出海印信云智與
師齊減師半德智過於師方堪傳授要且欠一著在
開善謙云玄沙白紙爭奈文彩已彰雪峯既曰千里同
風何故不知踉蹌過不見道養子莫教大大了作家賊
汾陽昭頌云故遣馳書達遠信不于文字示家風回來
却報玄沙語踉蹌過分明理更封佛性泰云白紙三張
通信去展開千里却同風陽春轉入胡笳曲不是風吹
別調中佛心才云踏翻釣艇承家業笑出蘆花月正
圓地闊天長三幅紙同風千里為誰宜慈受深云玄

沙象骨眼睛烏白紙三番便當書千里同風多錯會一
條拄杖兩人扶

緣化

保壽二世禪師因先保壽問父母未生前還我本來面目
來師立至深夜下語不契翌日辭去壽云汝何往師云昨
日蒙和尚設問某甲不契往南方參知識去壽云南方禁
夏不禁冬我此間禁冬不禁夏汝且作街坊過夏若是佛
法闍闡之中浩浩紅塵常說正法師不敢違一日街頭見
兩人交爭揮一拳云你得恁麼無商自師當下大悟走見
先保壽未及出語壽便云你會也不用說

五祖演云若人於此知落魄可謂公辦私辦木衆聽取
一頌甚妙也甚妙於此知性命臂鼻與一拳當時便打

正 南華島云一拳打就無面目碧眼胡僧觀不足秋
來黃葉落紛紛六六翻成三十八 枯木成云南比東

西是處遊更深歸去月如鉤春風一陣花狼籍不覺思
量暗點頭 佛性泰云一拳拳倒黃鶴樓一踢踢翻鸚

鵡洲幸有傍人為蓄力自家端坐看揚州 姜菴信云
開市相逢兩知識面目無來太費力粉骨碎身未足酬

一句了然超百億

應化

明州布袋和尚未詳姓氏形才眼腰往來通衢鬧市或問
在此何為答云等箇人來云人來也答云汝不是這箇人
或解布袋百物俱有或拈起示人云這箇是兜率內院底
或於袋探果子與僧僧擬接師乃縮手云汝不是這箇人

或見僧行過乃捐骨一卜僧回首乃云與我一文錢有持
 筒布袋終日懸懸或起行市肆間小兒譁逐之或以掛杖
 或數珠與兒戲有僧問如何是祖師西來意遂放下布袋
 又手而立僧云只此別更有在乃提布袋背負而去或本
 保寧勇頌云咄這憨皮袋肩籠兼眼大終日在街頭市
 行無買賣阿呵呵歸去來典錢還却債 佛慧泉云拈
 起即行放下便歌瞌睡阿師弄巧成拙佛意祖意寧知
 裙子褌衫百結有時獨立兮誰是知音歸去來一天明
 月 圓通秀云千般萬樣有誰能會瞌睡老僧亦拾蒲
 袋心無諸受觸處三昧巷尾街頭貴買賤賣
 普化和尚因臨濟院有齋河陽木塔乃同臨濟在僧堂內
 坐纒說及師每日在街市製風顛知他是凡是聖濟云待

乘與問過須臾師入來濟便問普化是凡是聖師云你道
 我是凡是聖濟便喝師乃指兩尊宿云河陽新婦子木塔
 老婆禪臨濟小斯兒却具一隻眼濟云這賊師叫云賊賊
 便走出

海印信頌云麒麟駑駘辨者稀淺深毛色共同之若非
 伯樂垂精鑑千里追風不易騎

洞山聰禪師僧問既是泗州太聖為甚麼在揚州出現師
 云君子愛財取之有道
 慈明圓頌云泗州忽示現揚州天不宗師語路獨君子
 愛財取之有道南海波斯鼻孔龜

○神異

世尊因五通僊人問世尊有六通我有五通如何是那十

通佛名云五通僊人五通應諾佛云那一通你問我
雪竇顯云老胡元不知有那一通却因邪打正 琅琊
覺云世尊不知可謂因正而打邪五通因邪而打正
翠巖芝云五通如是問出尊如是答要且不會那一通
云雲峯悅云大小瞿曇被外道勘破了有傍不其底麼出
來我要問你作麼生是那一通 雲蓋本云世尊如是
答五通知是應作麼生是那一通良久云婢女已歸霄
漢去默郎猶在火邊蹲
保寧勇頌云無量劫來曾未遇如何不動到其中莫言
佛法無多子最苦瞿曇那一通 雲溪菴云問佛如何
那一通世尊當面指迷蹤袪雲密密微微兩大震雷音
來而地風長靈卓云汝問如何此問親嶺梅江柳共芳

春抱賊不用行搜檢已自當堂露賊身 正覺逸云那
一通你問我令人慚愧釋迦老只知步步踏煞蓮不覺
茫茫入莽草 佛印元云僊人一問通皆備却是瞿曇
一物無喚得兔來依舊放幾多小鬼暗相呼
世尊因著婆娑別音響至一塚間見三箇髑髏乃敲一
髑問者婆此生何處婆云此生人道又敲一 云此生何處
婆云此生天道世尊又別敲一問此生何處婆問知生處
塗毒策頌云如來一擊少人知直下分明更是誰無限
月光隨水去片雲偏向故山歸
殃崛摩羅未出家時專外道受教為橋戶迦欲登王位用
千人揔指為花冠所得九百九十九唯欠一指遂欲殺母
取指時佛在靈山以天眼觀之乃化作沙門在殃崛前殃

蝮遂擇母欲殺佛佛徐行蝮急行追不及乃喚云瞿曇
住住佛告曰我住久矣是汝不住蝮聞之心忽開悟遂
棄刃投佛出家佛即授與落髮披衣

佛燈珣頌云急行緩步無前後渾踏長安路一條蝮
忽然知住處便能平步上雲霄花冠不用娘生指鬚髮
寧煩費力搖好是移花兼蝶不等閑買石得雲籠 踈
山如云蝮雖雄雄方勇銳瞿曇住住息風波殺人作佛
常頭劉覆兩翻雲在剎那

蝮摩羅因持鉢入城到一長者家值其婦產難長者告
云沙門是佛弟子有何方便救得我家產難蝮云我作
入道未知此法當云問佛却來相報乃還返白佛具陳上
事佛告云汝速去說我自從賢聖法來未曾殺生蝮依

佛所說性善長者婦聞之當時分免母之平安

覺海元頌云聖法從來不殺生本無生殺且精明是諸
夫人我皆空相一切冤親盡假名甘露繞除熱惱玉蓮
金子炳敷榮 鼓山珪云月裏姮娥不畫眉只將雲霧
作羅衣不知夢逐青鸞去倘把花枝盡面歸 徑山杲
云華陰山前百尺井中有寒泉徹骨冷誰家女子來照
影不照其餘照斜頌

那吒太子析肉還母析骨還父然後現本身運大神力為
父母說法

佛眼遠云肉既還母骨既還父用甚麼為身學人道到
這裏若見得去廓清五蘊吞盡十方乃為得骨還父
肉還母何者是身分明聽取山河國土現全軀十方世

界在重許萬劫千生絕去來山僧此說非言語 徑山
杲云骨肉都還父母了不知那箇是那吐一毛頭上翻
身轉一一毛頭渾不差

破竈隨禪師因嵩山塢有廟甚靈殿中唯安一竈遠近不
輟祭祀師以杖敲竈三下云此竈只是泥瓦合成聖從
何來靈從何起恁麼烹物命又打三十竈乃傾破墮落
須更有青衣峨冠設拜云我本此廟竈神又受業報余蒙
禪師說無生法得脫此處生天特來致謝師云是汝本有
之性非吾強言神再拜而沒後有僧問師某甲久侍左右
未蒙方便竈神得何宗旨便乃生天師云我只向伊道是
泥瓦合成別也無道理為伊僧作禮師云隨也隨也破也破
云本有之性為甚麼不會僧作禮師云隨也隨也破也破

也後有僧舉似安國師國師嘆云此子會盡物我一如可
謂如朗月麗空無不見者難搆伊語厥僧乃低頭又手而
問未審甚麼人搆他語脉安云不知者

佛眼遠頌云禍福威嚴不自靈殘盃冷尚享何人一從
丟後無消息野老猶敲祭鼓聲又云春寒料峭凍殺年
少切忌參商別無奇妙低頭侍奉歡喜問訊佛法商量
傷子性命佛燈珣云倚竈惟靈不是靈靈從斷處下
堆塵野老不來敲祭鼓因正打邪別是春

仰山寂禪師一日忽見異僧乘虛而至作禮而立於前師
問近離甚趣云早晨離西天師云何太遲生云遊山翫水
師云神通妙用則不無闍黎佛法須還老僧僧云特來東
土禮文殊却遇小釋迦遂出西天具多葉與師作禮乘雲

分嘆甚麼作釋如老子嘆甚麼作提婆達多嘆甚麼作
地獄還委悉麼自權餅去沾村酒却著衫來作主人
湛堂準頌云好笑提婆達多入捺落十小劫波然得三
禪妙樂吹布毛須還鳥窠
三祖璨大師為居士時謂二祖云弟子身纏風恙請和尚
懺罪祖云將罪來與汝懺士良久云真罪了不可得祖云
我與汝懺罪竟宜依佛法僧住士云今見和尚已知是僧
未審何名佛法祖云是心是佛是心是佛法佛無二僧寶
亦然士云今日始知罪性不在內不在外不在中間如其
心然佛法無二也祖深器之即為剃髮云是吾寶也宜名
僧璨執侍二載乃付達磨信衣正法眼藏說偈密囑護持
無令斷絕

琅琊覺云猶欠作云何梵在
佛國白頌云罪已無根住已空正生風起不生風至全
山谷山前水一派清波入海中無為子云蒼溪水急
天柱峰高洞然明白不隔絲毫從來生計平如掌後世
理兒孫弄海潮佛鑑勸云三祖以罪懺罪一祖將錯就
錯一陣清風劈面來罪花業果俱凋落靈舟一粒有神
兼功瘥病不似驢馳藥是古佛云風恙纏身竟罪不得
昔九萬里程展摩霄翼五祖演云無孔笛子穩拍枝五
音六律皆普徧時人不識黃幡綽笑道儂家登寶殿
西文海禪師每上堂有一老人常隨眾聽法眾退老人亦
退忽一日不還師遂問汝是何人老云諾某甲非人也於
過去迦葉佛時曾住此山因學人問太修行底人還落因

果也無某甲對云不落因果致五百生墮野狐身今請和尚代一轉語貴脫野狐身遂問大修行底人還落因果也無師云不昧因果老人於言下大悟作禮云某甲已脫野狐身住在山後敢造和尚乞依亡僧事例師令維那白槌告眾食後送亡僧眾議一眾皆安何故如是食後師乃領眾至山後巖下以杖指出一死野狐乃依法火葬師至晚上登舉前因緣黃檗便問古人錯祇對一轉語墮五百生野狐身轉轉不錯合作箇甚麼師云近前來與你道磔遂近前與師一掌師拍手笑云將為胡鬚赤更有赤鬚胡漁山在會下作典座司馬頭墮舉前話問漁山乃撼門扇三十司馬云太籠生漁云佛法不是這箇道理漁山又舉問仰山仰云黃檗常用此機漁云天生得從人

得仰云亦是稟受師承亦是自性宗通漁云如是如是天聖恭云三生六十劫兜率悅頌云萬丈洪崖倚碧空人間有路不能通奈何一點雲無礙舒卷縱橫疾似風上方益云江北江南問野狐只因昧落有差殊鴻門一踏開雙扇那箇男兒是丈夫百丈政云畫師畫地獄畫出百千般駐筆從頭看特地骨毛寒無盡居士云化形來問大修行當下金篋刮眼睛轉得野狐成百丈夜來依舊野子鳴徑山泉云不落不昧石頭土塊陌路相逢銀山粉碎拍手呵呵笑一場明州有箇憨皮袋雲門偃禪師僧問殺父殺母佛前懺悔殺佛殺祖甚處懺悔師云露

應庵華云雲門露猛如虎達磨師不是祖豈不見鹽官
老須彌為槌虛空為鼓又不見禾山老解打鼓休毒
甜瓜徹蒂甜苦瓠連根苦嚼一嚼又拈云光孝者一轉
語不是老僧見匙亦非垂手為人何故豈不見道字經
三篇為焉成焉

白雲端頌云敝土揚塵無避處將身直到御樓前回頭
不見來時路下是黃泉上是天正興逸云石火流星
曾未急瓊樓電卷一何遲雲門露字突然出著眼看時
鷓子飛天童覺云露超宗越祖人言素熱返魂香我
道伊撻塗毒鼓東林顏云椎鑼搥鼓轉船頭席卷波
翻喊激流洗脚上船乘快便順風相送下揚州

沐浴云沐浴自洗宗風

世尊因跋陀婆羅并其同伴十六開士白佛言我等先於
感音王佛聞法出家於浴僧時隨例入室忽悟水因既不
洗塵亦不洗體中間安然得無所有宿習無忘乃至今時
從佛出家今得無學彼佛名我跋陀婆羅妙觸宣明成佛
子住

雪竇顯云諸禪德作麼生會他道妙觸宣明成佛子住
也須七穿八穴始得乃頌云了事衲僧消一箇長連牀
上展脚卧夢中曾說話圓通香水洗求薰面唾塗毒
策云洗塵觸體兩空寂妙證密圓超見思白壁無瑕空
受法圓通會裏受塗糊

天蓋幽禪師因有一院名無垢淨光禪院化浴室有人問
既無垢淨光為甚麼却造浴室僧無語後請師代師云

三秋明月夜不是騁團圓
丹霞溥頌云雖然答盡深深意未投機句未親欲會
本來無垢的更須入水見長人

○偃息

瀉山祐禪師一日臥次見仰山來師乃轉面向壁卧仰云
某甲是和尚弟子不用形迹師作起勢仰便出夫師乃召
云寂子仰回師云聽老僧說箇夢仰低頭作聽勢師云為
我原着仰取一盤水一條手巾來師遂洗面了纔坐香嚴
入來師云我適來與寂子作一上神通不同小小嚴云某
甲在下面了了得知師云予試道看嚴乃點一椀茶來師
歎云二子神通智慧過於鴛鴦子目連

佛鑑懃云夢中說夢深詳瀉山妙用神通須還二子傳

茶度水耀古騰今年老心孤憐兒惜子向衲僧門下
人在門外一人在門裏更有一人徧界不魯藏佛眼觀
不見大瀉智云瀉山老人幸自日午高眠何用起來
夢中說夢又道二子神通過於鴛鴦子恁麼說話檢點將
來正是破壞家門殊不知我是一箇了事底漢當時若
一棒一條痕通身日杲杲豈不快哉

南堂靜頌云撥草瞻風孤峯獨宿鼓無絃琴唱無生曲
瀉仰香嚴鼎之三足臨機不費纖毫力任運分身千百
億古德云取水烹茶不露機當時原夢善知時如斯
始為僊隨答鴛鴦子神通豈及伊

鏡清恂禪師問雲峰古人有言峰便倒卧良久起云問甚
麼師再問峯云虛生浪死漢

投子青頌云尋常愛客恨無來及至人來懶話陪空卧
早知眠不當虛勞紅酸落寒灰

禪林類聚卷第十二

禪林類聚卷第十三

問疾

醫卜

藥餌

遷化

追忌

○問疾

馬祖一禪師因不安院主問和尚近日尊位如何師云日
面佛月面佛

雪竇顯頌云日面佛月面佛五帝三皇是何物二十年

來曾苦辛為君幾下蒼龍窟屈甚述明眼衲僧真輕忽
保寧勇云蒲團上端坐針眼裏穿線西風一陣來落葉
兩三片野軒遵云少年公子忽猖狂半夜穿雲入洞
房二八僊娥百般巧眼睛之上繡鴛鴦真淨文云日
面月面胡來漢現一點靈光萬化千變無盡居士云
什那駒子氣生癡蹠踏毗盧頂上行正患脾疼却頭痛
病來猶有巧心情南華曷云日面月面空中閃電顧
杼停機梁成招箭天童覺云日面月面星流電卷鏡
對像而無私珠在盤而自轉君不見鉗鎚前百煉之金
刀尺下一機之縮

大滄祐禪師問道吾甚處去來吾云看病來師云有幾人
病吾云有病底有不病底師云不病底莫是智頭庵不吾

云病與不病總不干他事急道急道師云道得也與他沒交涉

天童覺頌云妙藥何曾過口神醫莫能捉手若存也渠本非無至虛也渠本非有不滅而生不亡而壽全超威音之前獨步劫空之後成乎也天蓋地擎運轉也烏飛兔走

洞山因着病僧云火風離散時如何師云來時無一物去亦任從伊云爭奈羸瘵何師云須知有不病者云如何是不病者師云悟則無分寸不悟隔山坡云前程還許下度也無師云雖然黑似漆成立在今時南堂靜頌云火風離散後一物鎮長靈佛國黃金地天堂白玉亭前程休下度所至要惺惺一念心清淨人間

亦只寧

洞山因不安僧問和尚病還有不病者麼師云有云不病者還看和尚不師云老僧看他有分云和尚看他時如何師云老僧看時則不見有病

天童覺頌云卸却臭皮袋拈轉赤肉團當頭鼻孔正直下觸髓乾老醫不見從來癖少子相看向近難野水瘦時秋潦退白雲斷處舊山寒須勤絕莫瞞頂轉盡無功伊說位孤標不與汝同盤

玄沙云眾云諸方老宿盡道接物利生忽遇三種病人來如何接患者拈槌豎拂他又不見患者語言三昧他又不得佛法無靈驗時有僧出云三種病人和尚還許商量

不師云許汝作麼生商量其僧珍重出師云不是不是當時地藏出云某甲有眼耳和尚作麼生接師云慚愧便歸方丈

後有僧持此語請益雲門門云汝禮拜若僧禮拜起門以拄杖拄之僧乃退後門云汝不是患盲復喚僧近前來僧纔近前門云汝不是患聾那復云還會麼云不會門云汝不是患瘧其僧於此有省法眼云我當時見羅漢和尚舉此僧語我便會三種病人雲居錫云只如此僧會不會若道會玄沙又道不是若道不會法眼為甚麼道我因此僧語便會三種病人上座無事上來商量木家也要知雪竇顯舉了便喝云這盲聾瘧瘧漢若不是雲門驢年去如今有底或拈槌豎拂他又不

管教伊道前他又不來問還會麼他又不應諸方還奈何得麼雪竇若不奈何汝這一隊驢漢又甚作甚麼以拄杖一時趁散天童覺云雲門平展這僧實酬且道悟在甚麼處不救之疾難為針艾白雲端頌云退後進前兼對辯相逢邂逅難回面春風驚地撼庭前還見落花千萬片佛鑑勸云雲門老子手親眼親因風吹火不費精神盲者便視聾者便聞難然無語掛在口唇三種病人一種法門鼓山珙云盲聾瘧瘧接不得玄沙枉費閑心力高鵠盧醫拱手歸三人俱是膏肓疾徑山杲云玄沙三種病人話透出雲門本不收莫待是非來入耳從前知己返為辭

○醫卜

浮石禪師云山僧開箇下鋪子能斷人貧富生死僧便問
誰却貧富生死不落五行請師直指師云金木水火土
佛鑑勸云吉凶悔吝生乎動動靜興亡本乎心若以衲
僧無文印子一印印定毫髮無差浮石雖然解下不會
斷卦若是智海即不然離却貧富生死不落五行請師
直指向伊道今日閣黎有灾待伊眼睛定動之間吉凶
自兆大鴻智云浮石為人放不下有許多五行斷人
吉凶若是衲僧門下天不能盡地不能載東西南北都
無罣礙大丈夫兒從來自在大圓德麼說話還有傍不
肯底麼良久云一任鑽龜打瓦久久為害為灾塗毒
策云若向上觀貧富禍福吉凶皆為其用這僧離却煩
惱別求灾樂累他浮石不免為蛇盡足今時人纔見道

金木水火土便道木好不落五行不識鈎頭意錯認定
盤星有者又道閣黎今日有灾未免識情卜度畢竟如
何莫怪來源萬丈高一條界破青山色
西禪需頌云金木水火土始終須倒數五六下四三初
爻傳白虎苦苦卜得此卦一生貧遠信不來病人死

○藥餌

文殊一日令善財採藥云是藥者採將來善財徧觀大地
無不是藥却來白文殊云無有不是藥者文殊云是藥採
將來善財遂拈一枝草度與文殊文殊提起示眾云此藥
亦能殺人亦能活人

五祖戒出善財語云慚愧首山念云文殊大似掩耳
偷鈴琅琊覺云文殊可謂誠實之言要且額頭汗出

口裏膠生 大瀉詰云善財能採文殊能用非但寢疾
 毗耶直饒盡大地人抱必死之疾到文殊所教他箇箇
 脫體而去何故解用不須霜刃劍延齡何必九還丹
 應庵華云大小文殊被善財換却眼睛 東山空云善
 財招來只是尋常草木文殊提起未為出格神醫後來
 望風乃高其價東山謂伊兩人未免俱在草裏
 保寧勇頌云大地蒼生病似麻 吉祥靈藥示無涯其間
 殺活難分辨又是重添眼裏花 楚安方云善財拈起
 一枝草持來摩與文殊老殺活雖然在手中遍界不藏
 光杲杲 雲溪恭云塵劫何曾異明明百草頭甘和苦
 滋味死活病須瘳好笑文殊老憐兒不覺羞 佛印元
 云是藥拈來更不疑師資相見在臨時從茲病甚無醫

剋殺活還應作者知 止覺逸云信手拈來草最靈
 技能殺亦能生勇殊室利開金口直至而今藥道行
 照覺總云藥病相治敗更壞當機生殺按吹毛毗盧海
 闊煙波靜誰把長竿釣巨鱉
 雲明偃禪師示衆云藥病相治盡大地是藥那箇是自己
 五祖戒頌云藥忌由來鑑作家示徒親切病如麻十方
 三世諸知識赫日光中雷電車 雪竇顯云盡大地是
 藥古今何太錯閉門不造車通途自寥廓錯錯鼻孔透
 天亦穿却 白雲端云左眼不見山河石眼不見日月
 直得百花開時一一為君分別

遷化

世尊於涅槃會上以手摩脅告衆云汝等善觀吾紫磨金

色之身，瞻仰取足，勿令後悔。若謂吾滅度，非吾弟子若謂吾不滅度，亦非吾弟子。時百萬億衆悉皆契悟。

雲峰悅云：然則膏肓之門不足，以發藥。雲峯今日且作死馬醫爾等諸人皮下有血脈。

佛鑑勸頌云：言吾入滅，非吾子言；吾不滅，亦非親。但見落花隨水去，不知流出洞中春。釋迦老子若為隣，臨行賣弄紫金身。雙林盡道沉洎也，夜夜群星拱北辰。

世尊般涅槃日，迦葉尊者最後而至。出尊乃於樹中露雙跣示之。迦葉尊者乃作禮請如來以三昧火而自闍維。即時金棺從七寶牀昇舉，遠俱尸羅城。七市却還本處，化火光三昧而自焚之。

佛藏恩頌云：憐憫老胡樹，示雙跣金色。尊者還會也，無

目前措得，未辨精麤。達七市兮成何事，箇箇男兒是。又

夫佛鑑勸云：未出王宮已涅槃，何須雙足露金棺。致

答迦葉雙脅跛慶喜門前，倒剎竿。

漸源又一日將鉢子於法堂上，從東過西，從西過東。石霜云：作甚麼源云：覓先師靈骨。霜云：洪波浩渺，白浪滔天，覓甚麼先師靈骨。雪竇著語源云：正好著力。霜云：這裏針剝不入，著甚麼力。源持鉢向上便出。

太原孚云：先師靈骨猶在，明招謙云：莫道作甚麼別下得甚麼語。代云：鸚鵡語鶴，又代漸源便擲下鉢子云：

窟淺水無魚。

雪竇顯頌云：兔馬有角，牛羊無角。絕毫絕釐，如山如嶽。黃金靈骨，今猶在白浪滔天。何處著無處著，隻獲西歸。

曾失却。保寧勇云終日挨門復倚樓幾回明鏡照梳頭一從事却潘郎後也解人前不識羞。長靈卓云木人把板雲中唱石女穿靴水上行生死死生休更問從來日午打三更。圓悟勤云生也全機現死也全機現不道復不道箇中無背面直下便承當不隔一條線逼塞太虛空赤心常片片。夢庵信云當時苦口曾不道悟來靈骨方尋討練江寒月兩蕭蕭浮雲散盡天如掃洞山份禪師僧問亡僧遷化向甚麼處去師云火後一堦堦。白雲端云龍門即不然亡僧遷化向甚麼處去答云墻壁有耳。我子請頌云野火燒時越轉新至今煙燄雨難霖旱地

紅蓮遮日月無根樹長綠成陰。佛智裕云善應隨流妙意深明明下箭中紅心當鋒不是由基眼對面鐵山高萬尋。枯木成云春風吹動渌波搖無限船師逐海潮只見江鷗飛白浪豈知明月在雲霄。臨濟玄禪師臨遷化垂示云吾去後汝等諸人不得滅却吾正法眼藏三聖出云誰敢滅却和尚正法眼藏師云後或有人問你又作麼生道聖便明師云誰知吾正法眼藏向這驢邊滅却師乃示頌云浴流不止問如何具照無偏說自他離相離各人不稟吹毛用刃急還磨言訖於法座上端然示寂。

大瀉秀云古者忍死待來因何正法眼藏却向驢邊滅臨濟行計速速三聖又却忽忽因斯父子情忘遂使

後人失望若不得流水多應過別山 護國元云諸禪
客若能向斬釘截鐵處明得臨濟一宗掃土而盡其或
未然山僧爲汝諸人露箇消息以拄杖卓一卓後舉起
云還見麼鯨吞海水盡露出珊瑚枝
黃龍南頌云圓寂將歸叙別時叮嚀法眼好任持喝下
短不開泥水路瞎驢從此少人騎 白雲端云譬破泰山
雷未猛照開滄海月非光瞎驢滅却正法眼直得哀聲
振大唐 保寧勇云出門握手再叮嚀徃徃事從叮囑
生路遠夜長休把火大家吹殺暗中行
石霜諸禪師遷化衆請首座住持時九峰虔禪師爲侍者
白東閣首座云先師道休去歇去冷湫湫地去一條白練
去古廟香鑪去一念萬年去明甚麼邊事會得即住持會

不得不可首座對云明一色邊事虔云與麼則不會先師
意在座云但裝香來香煙斷處若去得即會先師意若去
不得即不會虔遂焚香香煙未斷首座遂脫去虔以手拈
首座背云坐脫立亡即不無先師意味夢見在
雲居舜云你等諸人且作麼生會諸人會處便道首座
與麼說是說道理所以虔侍者不肯伊大愚道虔侍者
盡平生見解只具一隻眼 南華陽云透生死關高超
五表兼殺活劍獨據寰中若非智眼洞明未免扶離摸
壁要會麼春蘭與秋菊各自一時榮 西禪齋云虔侍
者雖然爲衆竭力未免禍出私門若人檢點得出與你
一貼茶
丹霞溥頌云帶角披毛異類身寒灰枯木眼中塵誰然

未盡先師意，爭奈臨行一著親。開福寧云：一片虛靈，自古今麟龍頭角競踈親。坐亡立脫知多少，鐵樹花開別是春。無盡居士云：香煙淡淡，風飄颺，首座凝凝，脫去時不是。夕參，度侍者石霜，巴鼻有誰知。洛浦安禪師臨順寂告眾云：吾非明，即後也。今有事問，及等若道：這箇是即頭上安頭，若道：這箇不是，即轉頭覓活。第十一座云：青山不舉足，日下不挑燈。師云：如今是甚麼時節，作這箇語話。有彦從上座出，云：離此二途，請和尚不問。師云：未得更道。云：彦從道不盡。師云：我不管汝盡不盡。云：彦從無侍者，祇對和尚。師至深夜，令侍者喚彦從來。方丈問云：你今日祇對老僧，甚有道理。據汝合體得先師意，先師道目前無法，意在目前，不是目前法，非耳目之所到。且

道那句，是主若擇得出，分付鉢袋子。云：彦從不會。師云：汝合會，但道看。云：彦從實不會。師喝，出乃云：苦苦。次日午前，有僧舉前話問師。師云：慈舟不棹，清波上，剎快徒勞。放木鵝，即便告寂。

玄覺云：且道從上座實不會，是怕見鉢袋子，拈著伊。天童覺頌云：餌雲鉤，月釣清津，年老心孤，未得鱗。一曲離騷歸去，後汨羅江上，獨醒人。紙衣道者因曹山問：莫是紙衣道者麼。師云：不敢。山云：如何。何是紙衣下事。師云：一裘纜掛體，萬法悉皆如。山云：如何。是紙衣下用。師近前，應諾便立。脫去山云：汝只解恁麼去，且不解恁麼來。師忽開眼問：一靈真性，不假胞胎，時如何。山云：未是妙。師云：如何是妙。山云：不借借師便珍重。却坐。

脫曹山乃有頌云覺性圓明無相身莫於知見強疎親念
異便於玄體昧心差不與道相隣情分萬法沈前境識鑑
多端喪本真如是向中全曉會了然無事舊時人
南堂靜頌云紙衣下事不假胞胎懸崖撒手襁褓嬰孩
涅槃會上道場開單傳直指狀元來
芭蕉嘗禪師僧問有一人不捨生死不證涅槃師還提攜
也無師云不提攜云為甚麼不提攜師云老僧粗識好惡
天童覺云芭蕉雖然識好惡且不能牽耕夫之牛奪飢
人之食如今若有人問長蘆便和聲打為甚麼如此我
從來不識好惡
投子青頌云百歲兒童出戶來滿身紅爛惹塵埃火中
際步清涼地識者無因敢近臺

天衣懷禪師云百骸俱潰散一物鎮長靈百骸潰散皆歸
土一物長靈甚處安

南堂靜頌云一物長靈甚處安長空雲散碧夫寬蓮宮
佛剎花無數賤起眉毛子細觀

○追忌

南泉願禪師為馬祖忌日設齋垂語云未審馬祖還來應
供不洞山乃出眾云待有伴即來師云此子雖後生却堪
雕琢山云莫壓良為賤

南堂靜頌云千尺絲綸直下垂一波纔動萬波隨江上
喚來堪畫處漁翁披得一蓑歸

禪林類聚卷第十三

禪林類聚卷第十四

歲時

解結

日月

風雲

雨雪

水火

○歲時

趙州，諗禪師。僧問：十二時中如何用心？師云：諸人被十二時使。老僧使得十二時。

松源岳云：也是徐六擔板。

鼓山珪頌云：百年三萬六千日，一日朝昏十二時。使殺

老僧，渾不管不知，鬧裏有誰知。徑山杲云：使得十二

時，辰呼來却教且去，倚官挾勢欺人，茫茫無本，可據。

洞山，价禪師。僧問：寒暑到來如何？回避師云：何不向無寒

暑處去？云：如何？是無寒暑？契師云：寒時寒，毅闌黎熱時熱。

殺闌黎

投子云：幾乎與麼去。琅琊覺云：我即不然，如何？是無

寒暑處？僧掌裡去。白雲端云：洞山百味具足，後來又

合如何？忽有人問：圓通如何？是無寒暑處？劈脊便棒。

南堂靜云：寒暑到來如何？回避日月星辰山河大地迷

則靈龜曳尾，悟則猛虎插翅，只如不迷不悟，又如何？商

量良久云：白雲斷處見明月，黃葉落時聞搗衣。

大道泉頌云：無寒暑處如何？唱和熱即乘涼，寒即向火。

多口阿師一場懺懺，人人盡欲出常流，折合還歸炭裏

坐。雪竇顯云：垂手還同萬仞崖，正偏何必在安排。琉

璃古殿照明月，忍俊韓廬空上堦。湛堂準云：熱時熱

殺寒時寒，寒暑由來總不干。行盡天涯請世事，老君頭

戴楮皮冠，長靈卓云偏中有正正中偏流落人間千
百年幾度欲歸歸未得門前依舊草芊芊
疎山仁禪師僧問如何是冬來意師云京師出太黃
密庵傑頌云有問冬來事京師出太黃貪他一粒米
却半年糧西禪需云京師出太黃不許謾商量貴買
還賤賣纔喫便郎當松源岳云京師出太黃見賊便
見賊竹杖化龍去癡人身夜塘
雲門偃禪師示衆云十五日已前不問汝十五日已後道
將一句來自代云日日是好日
天童覺云屬虎人本命屬猴人相衝
雪竇顯頌云去却一拈得七上下四維無等匹徐行踏
斷流水聲縱觀寫出飛禽跡草茸茸煙暮暮空生巖畔

花狼籍彈指堪悲舜若多莫動著動著三十棒 海印
信云日日是好日風來樹點頭九江煙靄裏月上謝家
樓 大洪恩云日日是好日誰言無等匹甜瓜徹蒂甜
未必甜如蜜 上方益云冰消河北岸花發樹南枝到
處有春色天涯亦早歸
雲門僧問如何是雲門下曲師云臘月二十五云唱者如
何師云且緩緩
南堂靜云南堂即不然忽有人問如何是南堂下曲
作鼓琴聲勢良久云好麼大哥只是不許人借
黃龍南頌云雲門下曲二十五不涉宮商角徵羽有人
問我曲因由南山起雲北山雨 真淨文云臘月二十
五騎驢不打鼓春風百草生塚上漆新土 圓通隱云

憶昔雲門老古錘曾將今日示當機奇哉二百年來事
長作胡笳曲調吹大洪遂云一曲韶陽古調清多年
木石化為精廣陵傳去人何在留得杜鵑啼月明長
靈卓云雲門曲調格何高轉使愁人不奈何明月清風
無價數一時分付與僊陀
曹山寂禪師問僧可殺炎熱僧云是師云只如炎熱向甚
麼處回避云向鑊湯爐炭裏回避師云六如鑊湯爐炭裡
作麼生回避云衆苦不能到師默置小異
松源岳云或問靈隱恁麼熱向甚麼處回避也只向他
道鑊湯爐炭裏問鑊湯爐炭裏如何回避云風恬浪靜
丹霞溥頌云崑崙片玉火中潤碧波孤蟾水底圓一念
儻然無異色任從滄海變乘田

首山念禪師僧問如何是學人親切處師云五九盡日又
逢春云畢竟如何師云冬至寒食一百五
投子青頌云日暮陰雲郊野深重陽到後菊花新不因
西嶠殘水盡爭得東山一帶春
佛眼遠禪師因讀靈源十一時歌有偈云一日日一時時
龍門老心自知
鼓山珪頌云時時日日日日時時七顛八倒孰是孰非
徑山泉云日日日日時時時時時時時失候箇老古錘
○解結
洞山价禪師示衆云秋初夏未兄弟東去西去直須向萬
里無寸草處去始得又云只如萬里無寸草處作麼生去
後有僧舉似石霜霜云何不道出門便是草僧回舉似師

師焚香望石霜拜云大唐國裏能有幾人
東禪齊云且道石霜會洞山意不若道會去只如諸上
座每日折旋俯仰迎來送去爲當落路下草爲當一
合轍若言不會洞山意又爭解恁麼下語還有會處麼
上座擬甚麼處去於此若明得可謂還鄉曲也不見也
會著箇語云恁麼即不去也 大陽延云如今直道不
出門亦草漫漫地且道合向甚麼處行履良久云莫守
寒巖異草青坐著白雲宗不妙 白雲端云若見得石
霜便見得洞山老人若見得洞山老人便見得石霜洞
山却易見石霜却難見爲他不爲住持之絆不見道雲
在巖頭閑不做水流澗下太忙生 徑山杲云獅子一
滴乳迸散六斛驪乳

疎山如頌云不出漫漫草路遶出門猶更隔天涯回機
踏著通霄路何處青山不是家 佛慧泉云出門便是
太忙然萬里無來未得圓欲識家山歸去路暮煙輕鎖
綠綿綿 佛眼遠云出門便是草閑殺龍門老北去禮
支殊南來登五老鬢髮已蒼浪言歸恨不早獨立秋風
前相思望江鳴好好不用更尋計 天童覺云草漫漫
門裏門外君自看荆棘林中小脚易夜明簾外轉身難
看看幾何般且隨老木同寒瘡將逐春風入燒瘢
昔有一老宿一夏不與師僧說話有僧自歎云我只恁麼
空過一夏不敢望和尚說佛法得聞正因兩字也得老宿
聞乃云關緊莫驚速若論正因一字也無道了扣齒云適
來無端不合與麼道隣壁有一老宿聞得云好一金叢被

一顆鼠糞污却

玄覺微云且道是讚嘆語不肯語若是讚歎為甚道鼠糞污却若不肯他有甚麼過騷得麼雪竇顯云誰家金裏無一兩顆南堂靜云雪竇雖古德只解以己方入若是大隨即不然這裏一顆也若他不得為甚麼如此良久云參

正覺逸頌云一夏調和一金羹傳巖猶未許垂衡莫言污了無入見隣壁禪翁隻眼明慈受深云長夏無別趣調和羹一金滋味頗馨香剛地成點污口是禍之門舌是斬身斧陪却三斤鐵只因看錮絡

洞山初禪師參雲門門問近離甚處師云查渡門云夏在甚處師云湖南報慈門云幾時離彼中師云八月二十五

門云放汝三頓棒師次日再問昨日蒙和尚放某甲三頓棒未審過在甚麼處門云飯袋子江西湖南便與麼去師於是大悟乃云某甲從今去向無入煙火不蓄一粒米不種一莖菜接待十方往來善知識與他解黏去縛念飽餉餉地去門云汝身如椰子大開許大口

雪竇顯云雲門氣宇如王撐著便冰消瓦解當時苦據令而行子孫也未到斷絕白雲端云太小雲門被洞山一問直得額頭汗出口裏膠生保寧勇別後語云這瞎漢將謂是箇人便打松源岳云諸方盡謂父子投機啐啄同時殊不知雲門正令不行却向草窠裏覓致令洞山打失鼻孔直至如今無摸索處白雲端頌云一鏃三關破不難如何猶在是非間曲勞

提起飲代子三頓方知徹骨寒 保寧勇云三頓當持
打不回鐵門重擊鎖方開堪嗟不蓄一粒米十字街頭
接往來 慈受深云去年八月離湖南行盡千山與萬
山不喫雲門三頓棒安知虎體有玄班 佛眼遠云奉
君三頓曲周遊岳亭雲門老作家渡水穿雲五湖客欲
將何物當生涯 文殊道云問答分明豈偶然須知逆
耳是忠言洞山眼似銅鈴轉剛被雲門三頓瞞
翠巖參禪師夏末示眾云一夏已來為兄弟東語西話看
取翠巖眉毛在也無
保福云作賊人心虛 長慶云生也 雲門云關木翠
巖芝云為眾竭力禍出私門又云何故如是得人一牛
還人一馬 保寧勇云笑殺太衆

雪竇顯頌云翠巖示徒千古無對關字相酬失錢遭罪
老倒保福抑揚難得嘮嘮翠巖分明是賊白珪無玷誰
辨真假長慶相諷眉毛生也 死心新云作賊保福擔
枷過狀生也長慶迷真逐妄掩關雲門秋江月亮老倒
翠巖眉在眼上 大洪遂云青山岌岌深水滔滔穿過
鼻孔落盡眉毛

○日月

馬祖一禪師因百丈南泉西堂三人隨侍翫月次師問正
當與麼時如何西堂云正好供養百丈云正好修行南泉
拂袖便去師云經入藏禪歸海惟有普願獨超物外
神鼎譚云只為老婆心切 翠巖真云神鼎叔翁云只
為老婆心切翠巖即不然垂萬里釣駐千里烏雞布邊

天網收衝浪巨鱗還有麼有則衝浪來相見如無且歸
巖下待月明開福寧云諸禪德馬大師等閑語卷妙
手天然也是貪觀雲裏鴈失却渡頭船若人檢點得出
披毛遊火聚戴角混塵泥其或見處朦朧爲你下箇註
脚經入藏禪歸海未是袖僧親到底拂袖便行歸去來
擊碎重關門大啓重關既啓還有見馬祖者麼良久云
休休長安夜夜家家月幾處笙歌幾處愁虎丘隆云
奇怪諸禪德馬駒踏殺天下人一擲直教一掌血及乎
三大士各展家風不覺翻成老婆心切叢林浩浩商量
盡道翫月話奇特檢點將來克由巨耐正當恁麼時如
何三人證龜成鳖
海印信頌云三獸渡河深淺別不勞精辨迥然分美短

巨浸張帆者不顧波濤過海門照覺總云經入藏禪
歸海唯有普願獨超物外咄只有照壁月且無吹葉風
大鴻喆云馬師曾翫月三子左右侍吹笛無孔笛清音
括天地佛性泰云張公養得三箇兒長大不知誰立
志呼來月下問蹤由眼睛箇箇皆相似徑山杲云國
清才子貴家富小兒嬌大家出隻手彼此不相饒

藥山儼禪師一夜登山經行忽然雲開見月師乃大笑下
聲應澧陽東九十許里居民盡謂東家明夜送相推問直
至藥山徒衆云昨夜和尚山頂大笑

李翱尚書贈頌云選得幽居愜野情終年無送亦無迎
有時直上孤峯頂月下披雲笑一聲塗毒策云古德
隨緣放曠任意經行纔立峻峯頭清聲滿寰宇山僧亦

有一頌塗毒從來要任緣遼天鼻孔被渠穿冒者登途
過西浙他年衣鉢有誰傳

槃山積禪師示眾云心月孤圓光吞萬象光非照境境亦
非存光境俱忘復是何物

雲門云直饒與麼道猶在半途未是透脫下路僧便問
如何是透脫一路師云天台華頂趙州石橋又拈云東

海裏藏身須彌山上走馬復以拄杖打禪床一下大眾
眼目定動乃拈拄杖趁散云將謂利利這漆桶 大愚

芝拈起拂子云微塵諸佛光明總在這裏照破你諸人
心肝五臟脾胃肝膽衲僧面前不得道著切宜忘口擊

禪床下座 禾山方云山河大地燈籠露柱厨庫三門
皆是光境作麼生是真實諸人輪轉三界者蓋為不了

目前法從生至死無有了期快須薦取莫待雪鬢銀髭
臨渴掘井悔將不及 徑山泉云白鷺下田千點雪黃

鶯上樹一枝花

月堂昌頌云光非照境境非存光境俱忘復是痕百鳥

不來春已老落花流水遶江村 松源岳云描不成兮

畫不成即龍長怖碧潭清擬心湊泊終難會達者應須

暗裏驚

長沙岑禪師一夕與仰山翫月次仰云人人盡有這箇事

祇是用不得師云恰是倩汝用去仰云你作麼生用師乃

與一踏踏倒仰山起來云爾直下似箇木蟲傳燈作向日次

長慶稜云前彼此作家後彼此不作家乃別云邪法難

扶 保福展云好一箇月只是用力太多被他踏破却

成兩箇人人盡道參大蟲奇特須知仰山有陷虎之機
德山圓明代更與一踏琅琊覺云李陵雖好手案免
陷番身達觀頴云仰山喚作大蟲因聖道似箇在狗
徑山杲云皎潔一輪寒光萬里剎利者葉落知秋傷鱗
者忠言逆耳林不休已不已小釋迦有陷虎之機老木
蟲却無牙齒當時一踏豈造次驀然倒地非偶爾腹中
還有緇素得一老出者廢良久云設有也是掉捧打月
曹源生頌云浮雲散盡月當空兔子懷胎產大蟲跳出
風前弄牙爪至今撼動廣寒宮
投子向禪師僧問月未圓時如何師云吞却三箇四箇云
圓後如何師云吐却七箇八箇
南堂靜云君不食祖師西來意這因緣卒摸索不著在

若是田地穩密底方知落處然雖知是大階即不然或
有問月未圓時如何只向道六合含渾氣象清圓後如
何爛銀盤出百邪驚鼓山珍云投子和尚雖然善能
吞吐要且未知月之所在或問鼓山月未圓時如何只
對他道天上有星皆拱北圓後如何人間無水不朝東
月堂昌云投子只知得路便行不覺渾身泥水瑞光即
不然月未圓時如何布拖不如還却債圓後如何借婆
裙子拜婆年徑山杲云三箇與四箇七箇與八箇數
日甚分明無人數得過既是數日分明為甚無人數得
過良久云道士著白襪且非真措大
洞山聰頌云七八雖然正好觀四三焉得便瞞頂靈光
萬古輝天地隱顯尋常不用搏投子青云圓闕尊伸

問老翁石龜嚼子引清風，昨朝木馬潭中過，踏出金馬
半夜紅。保寧勇云吞却三四枚，吐出七八箇，吞吐總
完全不知是甚麼。正覺逸云圓後圓前，作者知四三
七八解呈機，令人長笑善吞吐，留與叢林作是非。
雲門偃禪師因僧問佛法如水中月，是不師云清波無透
路云和尚從何得師云再問復何來云便恁麼去時如何
師云重疊關山路。

白雲端頌云灼然水月非難取，自是時人手不親，韶石
老師拈出了，關山重疊越光新。圓悟勤云徧界不藏
清波澄寂互換投機，箭鋒相直提起，向上鉗鎚，石火電
光莫及，便恁麼隔關山，碧潭雲外不相關。

揚岐會禪師僧問撥雲見日時如何，師云東方來者東方

坐

白雲端頌云堯舜垂衣萬國賓，撥雲見日意休陳，東方
來者東方坐，草木重露雨露新。

智門祚禪師僧問如何是般若體，師云蟬含明月，僧問如
何是般若用，師云兔子懷胎。

雪竇顯云非唯把定世界亦乃安貼家邦，若善能參詳，
便請丹霄獨步。黃龍新云如何是般若體，一堆屎如

何是般若用，屎堆裏蟲。南堂靜云古人是則是益得，
太高生若是老僧即不然，如何是般若體，一穀一米如

何是般若用，七擒七縱。應庵華云兩箇漆桶，一時話
隨了更添一枚，如何是般若體，相見便無禮，如何是般

若用從來愛打關，且道三箇漆桶還有優劣也，無若檢

點得出許你具頂門眼

雪竇頌云一片虛疑絕謂情天人從此見空生蚌舍玄
兔深深意曾與禪家作戰爭佛鑑勸云蚌舍明月秋
波冷兔子懷胎夜魄寒皎皎清光成一片直須回首好
生觀長靈卓云蚌舍明月兔懷胎無限禪人擘不開
鐵眼銅睛何擬擬三千里外笑哈哈

○風雲

世尊因外道問不問有言不問無言世尊據坐良久外道
讚歎云世尊太慈大悲開我迷雲令我得入乃作禮而去
阿難尋白佛言外道得何道理稱讚而去世尊云如世良
馬見鞭影而行

坐法眼因百丈常請益叙語未終眼云住住汝擬向世尊

良久處會那丈從此悟入五祖戒云太小世尊被阿

難一狀領過又出語云汝何所問雪竇顯云邪正不

分過猶鞭影又云諸禪德迷雲既開決定見佛還許他

眾同參也無若共相委知則天下宗師並為外道伴侶如

各非印證則東土衲僧不如西天外道道吾真云世

尊隻眼通三界外道雙眸貫五天楊歧會云世尊轍

已從入外道乃因齋慶讚大漁詰云外道懷藏寶鏡

開世尊親為高提森羅顯煥萬象歷然又得阿難金鐘

擊四眾共聞然雖如是大似二龍玩珠長他智者威德

汾陽昭頌云鞭影分明指似君多聞敵地爽精神汾陽

報汝諸禪侶信手拈來莫厭塵淨照臻云特地慙慙

問有無因風應不費工夫迷雲綻得開今入未免區區

在半途。佛眼遠云杲日連天照有無孰云善逝坐跏趺如今要見當年事邪正由來在半途。鼓山珪云迷悟觸骸前河勞更舉鞭只持雞狗戒不學祖師禪。六祖能大師於黃梅受法經五祖祖念隱於懷集四會之間屆南海遇印宗法師於法性寺暮夜風颺刹幡聞二僧對論一云幡動一云風動往復酬答魯未契理師云可容俗流輒預高論不乃云不是風動不是幡動仁者心動耳印宗聞語竦然異之遂問其由師以實告之印宗於是集眾請開東山法門師遂落髮披衣受戒即廣州天寧寺也雪峯云太小祖師龍頭蛇尾好與二十棒。保福展云作賊齧齒峯云我與麼道也好與二十棒。人心虛也是蕭何制律。巴陵鑑云祖師道不是風動

不是幡動既不是風幡向甚麼處著有人與祖師作主出來與巴陵相見。雪竇顯云雪竇道風動幡動既不是風幡向甚麼處著有人與巴陵作主亦出來與雪竇相見。應庵華云一盲引眾盲相牽入火坑。瑞鹿先頌云非風幡動唯心動自古相傳直至今今後水雲徒欲曉祖師真是好知音。天衣懷云不是風兮不是幡斯言形已播人間要會老盧端的意天台南嶽萬重山。法昌遇云不是風兮不是幡黑花猫子面門斑夜行人只貪明月不覺和衣渡水寒。道場如云滄溟直下取驪珠觀面相呈見也無到此不開真正非膏肓之病卒難蘇。夢庵信云相爭但見風幡動不肯回頭識動心從此老盧露消息松風江月盡知音。

趙州論禪師僧問白雲自在時如何師云爭似春風處處

閑三古德頌云舒卷悠悠雲遶山鼓舞飄飄風吹谷雲逐風

來得自由風隨雲去無拘束韶山普禪師僧問是非不到處還有句也無師云有云是

甚麼句師云一片孤雲不露醜一天童覺云通身回互不觸尊嚴退位傍提要當宛轉還

見韶山相為處力推命向裏頭投子青頌云白雲不到中峯頂滿目煙蘿景象殊一句

曲寒千古調萬重青碧月來初興化獎禪師因僧問四方八面來時如何師云打中間底

僧便禮拜師云山僧昨日赴箇村齋中迷過卒風暴雨却

向古廟裏避得過應庵華云衆中商量道向古廟裏避得過是明空劫已

前自己又道便是他安身立命處殊不知興化腰纏十

萬貫騎鶴下揚州洞山聰頌云此間非常觸忤人如禽空咏噪荆棒復知

興化奔馳疾直雨何曾濕著身晦堂心云一不是

不成落花芳草裡啼鴛閑庭雨歇夜初靜片月還空海上生

江邊依舊空歸去帝里同風不到來明招謙禪師一日天寒上堂大衆集定師云今日風頭稍

硬不是你安身立命處且歸暖室商量便下座歸方丈大

衆處至立定師又云纔到暖室便見瞌睡以拄杖一時趨

開先暹云停囚長智當時待伊道今日風頭稍硬歸後
處說話去來但拊掌各自歸堂教這老漢一場懺懺
開福寧頌云風頭坐斷進還難衲子相將不易看未到
潼關天已曉不堪回首望長安佛性泰云風前露出
無瑕壁室內聲將無價珠兩度獻渠渠不識可憐流落
在江湖鼓山珪云風頭稍硬難安立暖氣纔通瞌睡
來却笑明招閑費力無端兩處強差排經山泉云夜
半明星當午現愚夫猶待曉雞鳴可憐自屎不知臭又
欲重新拈似人
○兩雲山向古藏真觀對面即空也
二祖可大師闍達磨初至少林遂往彼晨夕參扣但端然

面壁莫聞誨勵節志益堅乃云古人求道敲骨取髓刺血
濟飢布髮掩泥投崖餓虎古人如此我何人哉其夜天大
雪師到庭際侍立忘歸翌日積雪齊腰磨憫而問云汝又
立雪中當求何事師悲泣云惟願和尚慈悲開甘露門賣
度群品磨云諸佛無上妙道曠劫精勤難行能行非忍而
忍豈可以小德小智輕心慢心欲冀真乘徒勞苦師聞
示誨其志彌專乃取利刀自斷左臂置於磨前磨云諸佛
最初求道為法忘形汝今斷臂吾前求亦可在師云諸佛
法印可得聞乎磨云諸佛法印匪從人得師云我心未安
乞師安心磨云將心來為汝安師云覓心了不可得磨云
我為汝安心竟師於此悟入
五祖戒云大似對面相瞞又云若只與麼何用西來

芭蕉徹云金剛與泥人指背 五祖演云白雲當住若
見好與二十棒何故他人觀見將謂兩箇說安心法
竟如何菩薩龍王行南潤遊身向上教畫雲
汾陽昭頌云九年面壁待當機立雪齊腰未展眉恭敬
願安心地法覓心無得始無疑 白雲端云終始覓心
不可得寥寥不見少林人滿庭舊雪重知冷鼻孔依前
搭上唇 無盡居士云覓心不得已安心屠肆婦翻
少林爭奈子孫嫌直截諸方五味苦參尋
龐蘊居士因舜藥山山命十人禪客相送至門首士乃指
空中雪云好雪片片不落別處時有全禪客天落在甚處
士遂與一掌全云居士也不得草草士云恁麼搥禪客問
羅老子未放在全云居士作麼生士又與一掌云眼見

如盲口說如痘
雪實顯別云初問但搥雪團便打又頌云雪團打雪團
打龐老機關沒可把天上人間不自知眼裏耳裏絕蕭
灑蕭灑絕碧眼胡僧難辨別
高沙彌一日出庵值雨藥山見來乃云你來也師云是山
云可殺濕師云不打這鼓笛雲叢云皮也無打甚麼鼓道
吾云鼓也無打甚麼皮山云今日大好曲調
丹霞淳頌云偶爾垂言借問伊知音手使落今時胡家
不犯宮商曲玉笛同將劫外吹
雲居膺禪師因劉禹端公問雨從何來師云從端公問處
來劉遂禮三拜歡喜讚歎師却問端公問從何來劉無語
歸家三日而死有老宿代云道來道甚麼

歸宗彙別云謝和尚再三徑山杲云劉禹端公無語
歸家三日而死正肥著洪覺痒外只是不知轉身一路
當初待伊道問從何來但依前禮三拜歡喜而退且我
洪覺疑三十年

雪竇顯頌云風作何色雨從何來不用彈指樓閣門開
波波稜稜南方未回

鏡清慈禪師問僧門外甚麼聲云簷頭雨滴聲師云衆生
顛倒迷已逐物云某甲只恁麼和尚作麼生師云忘不迷
已云忘不迷已忘如何師云出身猶可易脫體道應難
琅琊覺云得即得大似平地上陷人黃龍心云說難
說易轉見迷已要迷已如今喚作甚麼聲
雪竇顯頌云虛空雨滴聲作者難酬對若謂曾入流依

前還不會會不會南山北山轉露露無爲子云是甚

麼聲雨滴浩浩迷已逐物衆生顛倒長蘆卓云簷前

雨滴聲正在眼中鳴貪他蕪笠者忘却舊茅亭

巴陵鑑禪師僧問如何是提婆宗師云銀椀裏盛雪

雪竇顯頌云老新開端的別解道銀椀裏盛雪九十六

箇應自知不知却問天邊月提婆宗提婆宗亦播之下

起清風保寧勇云人天會上分緇素龍象堂前定是

非選甚邪魔并異類好教齊向此中歸佛性泰云退

椀裏盛雪冰盞含寶月縱具四維脆到此虛搖舌西天

令嚴此土還別

○水火

龐蘊居士問馬祖不與萬法爲侶者是甚麼人祖云待汝

一口吸盡西江水來即向汝道士於言下有省悟

保寧勇代云和尚太多口生 玉泉璉云問勸體露無

依答時堆山積嶽賓主互換針芥相投如空藏空以鏡

照鏡諸人還知二老落處麼誰家別館池塘上一對鷺

鷺盡不成

白雲端頌云一口吸盡西江水萬古千今無一滴要知

黨理不黨親馬祖可惜口門窄 保寧勇云風吹日炙

露屍骸泣問僊人真地埋忍俊不禁多口老陰陽無處

可安排 石門易云借問乾坤獨步人全提分付太言

親西江吸盡無涓滴誰解喉門鎖要津

趙州僧問初生孩兒還具六識也無師云急水上打毬子

其僧却問投子急水上打毬子意肯如何子云念念不停

流

雪竇顯頌云六識无功伸一問作家魯共辨來端茫茫沈

急水打毬子落處不停誰解看 白雲端云何謂識字

還具六八萬四千殊不足初生孩子尚喃喃急水打毬

攔口築

趙州一日敲火問僧云老僧喚作火汝喚作甚麼僧無語

師云不識玄旨徒勞念靜

法燈欽別云我不如汝

老衲證頌云趙州眼放光爍破四大下鉢盂上安瓶至

全成話攔

茱萸禪師因趙州將拄杖上法堂東覲西覲師乃問作甚

麼州云探水師云我這裡一滴也無探箇甚麼州遂將拄

杖靠壁而去

大鴻詰云趙州善能探水不犯波瀾菜菓一滴也無爭
柰關防不得 琅瑯覺云卅亂奴欺主年襄鬼弄人
應庵華云菜菓一滴也無滔夫白浪趙州以杖靠壁不
犯波瀾雖然一老同死同生爭柰明果未肯放過在
泐潭明云趙老雲叔山嶽露菜菓兩過竹風清誰家別
館池塘裏一對鴛鴦畫不成
保寧勇頌云逐步移步探淺深果然滄海碧沈沈一雙
足跡分明在將謂歸家不可尋 佛鑑勲云古今難透
趙州關取次施為不等閑杖子靠來斜倚壁輕如毫髮
重如山 徑山杲云深淺聊將拄杖探忽然平地起波
瀾傾湫倒嶽驚天地到海方知徹底乾

鴻山祐禪師在百丈時夜侍立次丈云看爐內有火也無
師看了來報云無丈躬自至爐深撥忽得少火乃挾起云
你道無這箇禪師因而契悟丈云欲知佛性義當觀時節
因緣時節若至其理自彰便知已物不從外得汝善護持
次日百丈同師入山作務丈云還將得火來麼師云將得
來丈云在甚麼處師拾起一枝枯柴吹三吹度與丈文肯
之乃云如蟲禦木
保寧勇頌云提起都來只一星豁然騰鱗且天明連延
野外猶難救直得三年草不生 大洪遂云力士曹遺
額上珠搜尋無處幾嗟時傍人為指珠元在始覺平生
用意竈 上方益云撥動寒灰火便明曉來山外尚殘
燄堪嗟法眼堂前客猶向南方問丙丁

大隋真禪師僧問劫火洞然大千俱壞未審這箇壞也無
 師云壞云與麼則隨他去師云隨他去其僧不會持此語
 到投子舉似投子遷焚香遙望大隋禮拜云西川有古佛
 出現汝速回彼僧返西川師已遷化復回投子子亦遷化
 後有僧舉問脩山主云不壞云為甚麼不壞主云為
 同大千道吾真云此一老宿一人道壞一人道不壞
 且道壞底是不壞底是會麼壞與不壞俱非內外不隔
 纖毫尋常面對

智門祇頌云切忌隨他不會他大隋此語播天涯真淨
 性中纔一念早是千差與萬差 雪竇顯云劫火光中
 立明端袖僧猶滯兩重關可憐一句隨他語萬里區區
 獨往還 慈受深云壞與不壞兩相猜劍閣龍舒護住

來何人更有樊公脚一踏鴻門雙扇開

投子同禪師僧問劫火洞然時如何師云寒威威地

投子青頌云天地為爐萬物焦石人駕浪渡雲霄風生

半夜霜威重月落水寒逼鬢凋

雪峯存禪師示眾云三世諸佛向火酸上轉大法輪玄沙

云近自官令稍嚴師云作麼生沙云不許攬行奪市師不

覺吐舌雲門云火酸為三世諸佛說法三世諸佛立地聽

黃龍新云雪峯雲門交互爭輝新盡火滅向甚麼處聽

師莫戀白雲深處坐切忌寒灰煨殺人

白雲端頌云火酸騰輝說最親無邊諸佛近前聞誰道

更有傍觀者鼻孔遼天不喜君 保寧勇云一堪猛酸

且天紅三世如來在此中轉大法輪今已了眉毛之上

起清風 普融平云紅燄光中也六奇明明演說白毫
輝可憐雪老并韶石燒却眉毛總不知
雪峯僧問古澗寒泉時如何師云瞪自不見底云飲者如
何師云不從口入僧後到趙州舉此話州云不從口入不
可從鼻孔裏入僧却問古澗寒泉時如何州云若云飲者
如何州云死師聞得乃云趙州古佛造你禮自此不答話
雪竇顯云衆中商量總云雪峯不出這僧問頭所以趙
州不肯如斯話會深屈古人雪竇即不然斬釘截鐵本
分宗師就下平高難爲作者 天衣懷云諸仁者作麼
生會不答話底道理讚嘆趙州即不無還知趙州片玉
瑕生麼若人檢點得出相如不誑於秦主 蒙庵岳云
雪峯不從口入松柏千年青不入時人意趙州云死牡

用一日紅滿城公子醉 天童覺云休豎宗乘須還大
匠雪峯辨一千五百人善知識身心趙州用一百二十
歲老作家手段不妨奇恠如今衆中隨言定旨亂依賤
剥深屈古人然則相席打令似有知音鏤骨銘心筆逢
明鑑
雲蓋昌頌云古澗寒泉浩渺泓分明枝派暗流時不從
口入無滋味苦死令渠話不知 寶峰照云黯黯雲橫
付雪峯青青趙老一雙瞳從前汗馬無人識只要重論
蓋代功 佛心才云縱奪還他老作家奔流度尺數如
麻深深澗底無人到飲者重添眼裏沙
古德垂語云我喚作火汝不得喚作火
無爲居士頌云我喚作火汝即不可已道了也喚作甚

瘵

玄沙蒲禪師因鏡清來參問學人乍入叢林乞師指箇人
處師云還聞偃溪水聲麼清云聞師云從這裏入鏡清於
言下大悟

五祖演云果是得人一任四方八面若也茫然轉不得
離却這裏徑山杲云若要真箇得人直須離却這裡
白雲端頌云天生碧眼崑崙兒有藝過人自不知幾度
黑風翻大海波心出沒自閑嬉 法雲秀云一滴偃溪
水四海少人聞直饒玄會得也是弄精魂 維漢南云
天飄碎玉千峯雪雨滴巖花萬國春堪聽偃溪流水意
潺潺終日不聞聞

法眼益禪師僧問如何是曹源一滴水師云是曹源一滴

水時韶國師在會下聞此語大悟

應庵華云法眼恁麼說話眼觀東南意在西北忽有人
問薦福如何是曹源一滴水只對他道死
白雲端頌云曹源一滴久澄清流出千江絕浪聲大海
幾多遊翫者茫茫空遶水邊行 菴堂清云曹源一滴
異常流流入滄溟貫九州垂釣幾番波浪嶮未曾聞道
失漁舟 佛燈珣云一滴曹源立問端清涼答處在言
前衆流截斷窮源底百川依舊勢朝天

禪林類聚卷第十四

禪林類聚卷第十五

衣鉢

服飾附鉢

鞋屐

珍寶

琴瑟書畫

簾帳

舟楫

○衣鉢

世尊一日勅阿難食時將至汝當入城持鉢阿難應諾佛云汝既持鉢須依過去七佛儀式阿難便問如何是過去佛之儀式佛召阿難阿難應諾佛云持鉢去

永山方云阿難只解與麼去不解與麼來降慶化士既解與麼去亦解與麼來然雖如是且道作麼生是七佛儀式要會麼丈夫自有衝天志不向如來行處行

迦庵頌云從前七佛軌儀慶喜何曾欠少堪笑黃面瞿曇無端更打之遶

阿難尊者問迦葉云師兄世尊傳金襴袈裟外別傳箇甚麼迦葉召云阿難阿難應諾迦葉云倒却門前刹竿著

汾陽昭云不問那知五祖戒云露翠巖芝云千年無影樹今時沒底靴草堂清云刹竿未倒穿却諸人觸髅換却諸人眼睛刹竿倒後向甚麼處見釋迦老子

白雲端頌云金襴之外復何傳弟應兄呼豈有偏倒却門前刹竿子免教依舊倚牆邊覺海元云金襴付後別何傳呼應雖勤意未圓迦葉更能施善巧刹竿倒却

貴安然無盡居士云慶喜門前倒刹竿金襴傳外有何傳天然外道無師證爭奈威音佛已前天童覺云影略門前倒刹竿箇中消息授傳難玲瓏侍者能相委

盤走明珠珠走盤。慈受深云頭陀飲光多聞慶喜合
掌擎拳難兒難弟一朝狹路兩相逢裂轉雙睛無處避
便向門前倒刹竿丈夫自有衝天志。是古佛云提起
金欄惹倒刹竿步步踏著綠水青山。雪峯存禪師在德山依飯頭一日飯遲師曬飯巾次見德
山托鉢至法堂前師云這老漢鐘未鳴鼓未響托鉢向甚
麼處去山便歸方丈師舉似巖頭頭云大小德山不會末
後向山問令侍者喚巖頭來山問汝不肯老僧那頭密啓
其意山休去明日陞堂果與尋常不同頭至僧堂前拈掌
大笑云且喜堂頭老漢會末後向他後天卜人不恁伊何
雖然如是也只得二年後三年果遷化。雪竇顯云曾
明招謙代德山云咄咄沒處去沒處去。

聞說箇獨眼龍元來只有一隻眼殊不知德山是箇無
齒大蟲若不是巖頭識破爭得明白與昨日不同諸人
要會末後向麼只許老胡知不許老胡會。大瀉詰云
巖頭大似高崖石裂直得白里走獸潛蹤若非德山度
量深明爭得昨日與今日不同。翠巖真云巖頭德山
一狀領過雪峯一千五百人善知識地在。南堂靜頌云德山托鉢最為奇好語令人特地疑虎豹
出林誇爪距叢林千古立雄基。寶峯祥云凜凜霜風
憂地寒漁翁擲釣五湖寬錦鱗觸散波心月叉取絲綸
上古難。天童覺云末後向會也無德山父子太舍胡
座中亦有江南客莫向樽前唱鷓鴣。徑山杲云一搥
塗毒聞皆喪身在其中總不知八十翁翁入場屋真誠

不是小兒嬉

雲門偃禪師示眾云，世界恁麼廣闊，為甚麼鐘聲披七條，
鼓山珪頌云，七條披向鐘聲上，徧界難藏，比立相若，以
色見音聲求，迦葉師兄是虛妄。經山泉云，鐘聲披起，
響多羅碧眼胡兒，不奈何。箭雙鵰隨手落，拈來元是
柵中鵝。

揚岐會禪師僧問，天得一以清，地得一以寧，衲僧得一堪
作甚麼。師云，鉢盂口向天。

白雲端頌云，鉢口向天，底時節十方世界一團鐵，少林
面壁謾多年，衲僧眼裏重漆屑。松源岳云，衲僧一拶
鉢盂口闊，天不揚岐，望梅林止渴。

服飾把劍附

洞山价禪師問僧，世間甚麼物最苦。僧云，地獄最苦。師云，
不然。衣線下不明，太事始是苦。

丹霞淳頌云，鑊湯爐炭幾何般，地獄三塗未苦酸。須臾
新豐親切，語袈裟之下，其顛頂。

曹山本寂禪師僧問，靈衣不掛時如何。師云，曹山今日孝
滿云，孝滿後如何。師云，曹山好顛酒。

天童覺頌云，清白閉庭，四絕隣長年關掃，不容塵光明
轉，勸傾殘小。象分時却，建寅新滿，孝便逢春，醉步在
歌任隨巾，散髮莫猶誰管。系太平無事酒，顛人。

香林遠禪師僧問，如何是衲衣下事。師云，臘月火燒山，
應庵華云，香林恁麼道，老鼠入牛角。忽有人問，歸宗如
何是衲衣下事。只對他道，來年更有新條在，惱亂春風。

卒未休

雪竇顯頌云臘月燒山萬種千般翹松鶴冷立雪人寒
達磨不會太難太難上方益云歲晚年來正苦寒千
林木葉盡凋殘炎炎野火無流水應是隨風過別山
白楊順云臘月山頭火亘天衲衣下事若為傳老來不
是觀時節因即長伸兩脚眠天童覺云老大叢林快
說禪不將禪掛口皮邊谷深山遠空無像何處人呼應
不圓東林顏云臘月火燒山苦口是黃連根將歲除
夜竇八布衫窠大可憐把手入黃泉

鞋鞵

睦州蹤禪師在黃檗為首座教臨濟問佛法後歸鄉院杜
門織蒲鞋養母人目之曰陳蒲鞋接得雲門令嗣雪峯唯

相晦迹凡見僧喚云太德僧回首師云擔板漢

雪竇顯云睦州只具一隻眼何故這僧喚既回首因甚
却成擔板

汾陽昭頌云垂慈只要總通靈不是宗師妄目生擔板
直教須放下免伊虛度百千生圓悟勤云辛辛辣辣

嗔嗔喋喋識際此為大樹按雲門臨嶮崖機峻其階言
如枯柴夫是之謂陳蒲鞋無為子云睦州喚隨到到

面不回擔板漢長靈卓云腦後與一錐頭頭隨坑坎
直饒喚不同也是虛擔板透過睦州關乾坤一隻眼

鼓山珪云電火光中休草草劍輪鋒上莫匆匆等門反
却全身入終不當頭犯一毫徑山果云睦州擔板那

容眼闊狹短長不須增減

靈雲勤禪師問僧甚處去云雪峯去師云我有一信寄雪峯云便請師乃脫履拋向面前僧便去雪峯問甚處來云靈雲來峯云和尚安不云有書相寄道了脫履拋向面前峯休去

馮山秀云雪峯既不能辨他來信端的這僧又祇知依模畫樣鏡置他靈雲忽若當時道我有一信寄他云便請靈雲只據坐這僧又若為通露不可大丈夫漢為人馳達教他一言不措

○珍寶

東寺會禪師因仰山來參乃問汝何處人仰云廣南人師云我聞廣南有鎮海明珠是不仰云是師云此珠作何形狀仰云日月即現師云汝將得來不云將得來師云何不

呈似老僧云某甲昨到馮山蒙索此珠直得無言可對無理可伸師云真獅子兒善能嚙吼如螻蛄蟲向蚊子眼裏上作窠於十字街頭大叫一聲云土曠人稀相逢者少

作東邑政語無
雌蟬蟲下一段

龍潭曉云衆中喚作呈珠語且作麼生是呈珠處山僧今日與大衆註破等閑莫向江邊立切忌寒灰炙殺人本覺一頰云鎮海明珠到剎由來一顆自圓成仰山東寺曾遭索叉手還將取次呈

終南山師祖禪師問南泉摩尼珠人不識如來藏裏親收得如何是藏泉云王老師與爾往來者是師云不往來者泉云亦是師云如何是珠泉召云師祖師應諾泉云去汝不會我語師從此信入

雪竇顯向徃來者是處云草裏漢又向不徃來者亦是
麴云雪上加霜又於如何是珠麴云嶮百尺竿頭作伎
倆不是好手這裏著得箇眼實主互換便能深入虎穴
或不消麼縱饒師祖悟去也是龍頭蛇尾漢白雲端
云太衆這僧一顆摩尼珠可謂稀世之寶大可憐生幾
乎落在萬丈坑裏猶賴得南泉老兒手親爲他把得起
且道此珠現今在甚麼處乃云海神知貴不知價留與
人問光照夜

瀉山祐禪師坐次仰山與香嚴侍立師云如今總與麼者
少不與麼者多香嚴從東過西立仰山從西過東立師云
這箇因緣三十年後如金擲地相似仰云亦須是和尚提
唱始得嚴云即今亦不少師云合取狗口

佛鑑勲云瀉山幸自海晏河清剛地無風起浪雖然一
波纔動萬波隨擲地金聲如在磬仰山香嚴若能慎護
纔見瀉山恁麼道便珍重下去假饒瀉山咳嗽風生也
須無出氣處大瀉智云瀉山舉令二子唱和偶然成
曲調不是海作做雖然啐咏之幾瀉山未肯放過當時
大仰山香嚴見瀉山與麼道便好撒圍禪床還知麼良久
云見性不留佛本悟不存師猶較些子喝一喝塗毒
策云金又鍊則精水久澄則清瀉山纔始調絃二子終
曲頌別曲當初祇道喜相逢到底翻成怨離別且道過在
甚麼處還知麼老來祇可和雲睡休與兒孫論短長
南堂靜頌云象王嘔呻師子哮吼踞地盤空移星換斗
坐斷舌頭合取狗口下回擲地作金聲九曲黃河徹底

清隱靜微云鴻山垂語辨龍蛇一對驪珠絕點玻御
子窠中無異獸嘉聲動地徧天涯

洛浦安禪師僧問衆手淘金誰是得者師云奉中舊箕不
假披沙云任麼則展手不逢也師云莫將鶴唳擬作鷓鴣啼

丹霞溥頌云淘金豈假披沙得不觸波瀾猶費力露柱
三更忽放光此時未審何人識

大嶺禪師僧問如何是一切處清淨師云截瓊枝寸寸是
寶栴旃檀片片皆香

丹霞溥頌云乾坤盡是黃金國萬有全彰淨妙身玉女
背風無巧拙靈苗花秀不知春

雲門偃禪師示衆云乾坤之內宇宙之間中有一寶秘在
形山柱燈籠向佛飛雲舞空門向佛舞龍上

法昌遇云且緩緩法昌有一寶七顛與八倒或作無明
山或時為相如觸處盡光輝動便入荒草休尋詩珊瑚

枝上日杲杲白雲端云木衆眼在鼻上脚在肚下且
道實在甚處乃云人面不知何處去桃花依舊笑春風

雪竇顯頌云看看古岸何人起釣竿雲持掛水漫漫明
月蘆花君自看鴻山秀云看看野花開極撩亂三月

洞庭江上春煙霄飛過瀟湘岸白雲端云嶺上白雲
舒復卷天邊皓月去還來低頭却入茅簷下不覺呵呵

笑幾回佛心才云帝網交羅幾萬般形山消殞影團
圓拈來不是無心處只在乾坤宇宙間

長慶稜禪師僧問衆手淘金誰是得者師云有伎倆者得
云學人還得也無師云大遠在

雪竇顯代這僧當時便喝復云有伎倆者得一手分付
 有伎倆者不得兩手分付學人還得也無著天蒼天
 智門祇頌云衆手淘金得者誰織塵空礙豈能為洪波
 浩渺黃金遠一事無成空手歸
 首山念禪師僧問學人親到寶山空手回時如何師云家
 家門前火把子僧於言下大悟
 白雲端頌云空手歸時誰肯信驢馱馬載入門來家家
 樂起火把子半夜天如白日開佛鑑勸云寶山到日
 事如何空手回時所得多家家門前火把子明如日月
 照山河

○琴瑟

書畫樂附

睦州蹤禪師因下秀才來參師問先輩所蘊何業才云某

甲會二十四家書師以拄杖空中點一點云會麼才因措
 師云又道會二十四家書求字不法也不識

黃龍南云睦州一點直在威音王日前及乎八法論書
 却被箇俗人勘破若是黃龍即不然孔門弟子無人識
 碧眼胡僧笑點頭大鴻喆云睦州不妨用得這一點
 妙又似以勢欺人大鴻即不然乃畫一圓相云會麼字
 義炳然文不加點
 明招謙頌云一點會無異微塵劫不增百千諸佛眼同
 共此靈明佛鑑勸云禪師拄杖秀才筆伎倆能從手
 中出个法論書如未明面前一點黑如漆水庵云
 一著機先用得親可憐窮手眼無筋須知八法論書愛
 前箭猶輕後箭深

大陽延禪師問梁山如何是無相道場山指觀音云此是
吳蜀士畫師擬進詣山急索云這箇是有相底那箇是無
相底師次言下大悟休禮却依本位立山云何不道取不
句來師云道即不疑恐上紙墨山乃呵呵大笑云此語已
後上碑云在

投子青頌云路窮崖仞問山翁別指巖西嶺近東擬進
霧垂嵐色重回頭頂見太陽紅
風元沼禪師僧問古曲無音韻如何和得齊師云木雞啼
子夜翳狗吠天明

徑山杲云這葉面浙子恁麼答話也做他臨濟兒孫來
得在今日或有入問徑山古曲無音韻如何和得齊只
向他道木雞啼子夜翳狗吠天明

投子青頌云古巖月色鎖重雲枯木迎芳曉帶春昨夜
星河轉南斗金烏隨鳳過天輪

○簾帳

法眼益禪師因僧齋前來參次師以手指簾尋直一僧齋
去捲師云一得一失

東禪齋云上座且作麼生會有云為伊不明旨便去捲
簾亦有道指者即會不指而去者即失恁麼會還可不
可既不許恁麼會且問上座阿那箇得那箇失
天童覺頌云松直棘曲鶴長鳧短羲皇世人俱忘治亂
其安也潛鱗在淵其逸也翔鳥脫絆無何祖襴西來裏
許得失相半蓬隨風而轉空船截流而到岸箇中劍利
衲僧看取清凉手段

○舟楫

六祖大師下日謂門人云吾欲歸新州汝等速整舟楫門人云師從此去早晚却回師云葉落歸根來時無口法雲秀云非但來時無口去時亦無鼻孔佛眼遠頌云歸根得旨後何論洞口春入半掩門花落已隨流水遠空留暮暮野雲屯松源岳云雲開空自闊葉落即歸根回首煙波裏漁歌過遠村船子誠禪師與道吾雲巖在藥山分別後往秀州華亭泛一小舟曾囑道吾云師兄向後有座生指二人來道吾後至京口竹林寺時夾山會禪師住持上堂有僧問如何是法身會云法身無相云如何是法眼會云法眼無瑕吾不覺失笑會下座具禮請問吾云吾有同行在華亭船上

撥入汝性見之必有所得仍須更易其眼會乃散衆易其徑造華亭師見會來便問本德住甚麼寺會云似則不住住則不似師云不似又不似箇甚麼會云不是目前法師云其處學得來會云非耳目之所到師云一句合頭語萬劫繫驢棚師又問垂絲千尺意在深潭離釣三寸子何不道會擬開口師拈撻子劈脊打落水中會纒上船師急處云道道會擬開口師又打會豁然大悟乃點頭三下師云竿頭絲線從君弄不犯清波意自殊會遂問拋綸擲釣師意如何師云絲懸流水浮定有無之意速道速道會云語帶玄而無路舌頭談而不談師云釣盡江波金鱗始遇會乃掩身師云如是如是乃囑云吾在藥山三十年方明得此事汝今得已向後莫住城隍聚落直須藏身處沒蹤跡

沒蹤跡處莫藏身向深山鑿頭邊接取一箇半箇嗣續吾
宗無令斷絕會領肯禮辭而去頻頻回首師復喚云閣黎
會回首師舉舩橈云汝道別更有在言訖踏翻舩於煙浪
投子青頌云泛舟驚險三十春擊處竿頭活死人夾嶺
桂分千古嶺朗江山翠萬重新保寧勇云不犯清波
不擲釣恠哉當面觸鰲頭微芒一噴朦朧雨萬壑千溪
水逆流覺海元云捨短從長有幾人遠求舩子扣玄
津蘭橈數挂徒開口水色山光特地新佛迹豈云長
竿放去隨波浪絲線收來獲錦鱗橈下翻身何脫灑回
頭不見舊時人無盡居士云蘆葦蕭蕭江岸秋長
天獨月向西流離釣三寸無入道笑倚蘭橈自點頭
舩子有一官人問如何是和尚日用事師豎起橈子云會

蘇云不會師云掉撥清波金鱗罕遇因示偈云三十年来
坐釣臺釣頭件件得黃能金鱗不遇空勞力收取絲輪歸
去來三十年來海上遊水清魚現不吞釣釣竿斫盡直栽
行不計功程得便休十尺絲綸直下垂一波纒動萬波隨
夜靜水寒魚不食蒲舩空載月明歸
雲竇顯云這漢勞而無功忽若雲門道一向合頭語高
劫繫驢馱又作麼生免得此過良久云莫謂水寒魚不
食如今釣得滿舩歸
白雲端頌云閃爍金鱗躍浪時華亭貪翫下釣遲誰知
雪老垂綸慣不犯波濤取得伊
巖頭豁禪師僧問古帆未掛時如何師云小魚吞大魚
汾陽昭頌云古帆不掛更何疑學問依前又是迷太公

二魚俱一海爭奈釣頭餌不齊 鼓山珪云小魚吞大
魚閉上釘桃符邪竈俱不入佛法也消除 徑山果云
小魚吞大魚直路太繁紆古帆休更問題題得逢渠
巖頭僧問古帆掛後如何師云後園驢喫草
海印信頌云相打不碎火燒不著天上人間何處安泊
阿呵呵是甚麼莫敲破須爛嚼 大洪慈云古帆不掛
問巖頭月冷風高下直釣誰見後園驢喫草脫籠耳馱
飽齣齣 楚安方云風信不來春已老却憶後園驢喫
草蒲大明月贈行人野客溪邊歸路早 徑山果云後
園驢喫草一老一不老驀地撞出來闌邊得恰好
廣德周禪師僧問波浪之中如何得妙師云撻掉不施兼
底脫往來終不借清囊

舟霞淳頌云一向相酬難取則輪玉不化閻浮國無邊
刹海浪痕平獨駕泥牛耕月色
木平道禪師初謁洛浦遂問一漚未發已前如何辨其水
脉浦云移舟請水勢舉棹別波瀾師不愜意次參盤龍如
箭置問龍云移舟不辨水舉棹即迷源師因此相契
雲峯悅云木平若於洛浦言下會去猶較些子可惜許
向盤龍死水裏淹殺後有問如何是木平對云不發舟
不斧師云果然只在這裏諸禪德大凡發言超方也須甄
別邪正識辨真偽帶些子眼筋始得雖然如是也是賊
過後張弓
舟霞淳頌云金烏玉兔兩交輝照破威音未兆時苦語
青霄別有路木人依舊皺雙眉 本覺一云移舟肯不

別澄潭壑，掉波生，豈更堪更會一漚，初未發，木入半夜

好同參

法眼益禪師問覺上座，船來陸來，云：船來。師云：船在甚麼處？云：船在河裡。覺退，師却問傍僧云：你道，適來這僧具眼不具眼？

天童覺頌云：水不洗水，金不博金，珠毛色而得馬，麤絲絃而樂琴，結繩畫卦，有許事，喪盡真淳，盤古心。

禪林類聚卷第十五

禪林類聚卷第十五 禪師問僧云：水不洗水，金不博金，珠毛色而得馬，麤絲絃而樂琴，結繩畫卦，有許事，喪盡真淳，盤古心。

2

